

章氏會譜德慶初編

卷十之卷十二

254

0040

8

會稽章貽賢

德慶初編卷之十

唐制詔章及詔

制曰左右厥辟固難其任綏安黎庶尤在得人顧茲康州一隅居於

才全德備之臣斯可稱其任焉爾章及賦性溫厚學行老成茲特授爾康州刺史

出守是邦爾其牧之盡道務俾一視同仁庶可副於朕意汝其往哉毋忽

太和六年癸丑八月

授章仇兼瓊主客員外郎制

敕殿中侍御史章仇兼瓊雅有堅操嘗懷遠圖義不辭勞忠能盡節頃逾砂磧能正

糾繩興國利於懸車振朝威於絕漠甄其績用宜遷禮閣之榮寄以澄清仍受憲

臣之任可尚書主客員外郎餘如故

故將仕郎章仇元素贈宋州司馬制

詔曰孟州大都督府長史兼御史中丞持節劍南節度口使營田副大使本道兼山

南西道採訪處置使章仇兼瓊父故將仕郎元素氣合純粹才擅奇特資禮樂而

秉彝負文詞而擢秀議能多通稟命不融德建昭代久淪幽壤雖馳暄易遠松檟
成行而餘口口鍾芝蘭克茂瞻言元子每効忠公總節制之師致疆場之捷行賞
爲重爰贈先俾自葉而流根庶慰存而榮歿可贈宋州司馬金石萃編下同

開元廿九載秋七月

故博陵郡錄事叅軍章仇孝方贈汲郡司馬贈睢陽司馬章仇元素加贈東平
郡太守制

詔曰蜀郡大都督府長史兼御史大夫章仇兼瓊祖故博陵郡錄事叅軍孝方父贈
睢陽郡司馬元素等口才繼跡雅操元風累德成名克家承口口生令元幹用於
時總戎懋其勳績秉憲肅其綱紀榮親廣行既資孝以爲忠自葉流根載敷澤而
彰善宜加禮贈俾昭餘烈孝方可贈汲郡司馬元素可贈使持節東平郡諸軍事
東平郡太守

天寶三載秋九月

蜀郡大都督府長史兼御史中丞持節劍南節度使章仇兼瓊祖母王氏贈太
原縣君母吳氏贈勃海郡夫人制

詔曰兼瓊故祖母王氏故母吳氏女則懿範母儀盛德何口嘉慶傳嗣徽音誕此良

才克昭遺訓口口褒賢之贈錫其有禮之封王氏可贈太原縣君吳氏可贈勃海郡夫人

天寶三載秋九月

章仇兼瓊伯父麻城令章仇崇節贈楚州刺史文缺

章仇兼瓊伯母馬氏贈扶風縣君文缺

授章秘等加階制

詔曰門下某官是朕皇太子時侍讀也忠孝之訓何嘗忘之惟爾章秘實惟藩臣克壯威猷以固垣翰某等祇事內外夙夜惟寅並沐前恩遞昇榮級上下有等式彝章可依前件文苑英華

宋制誥

追贈章得象高祖前檢校太傅武寧郡開國伯章仔鈞瑯琊王誥

制曰榮宗耀祖子孫夙念崇德報功朝廷盛典爾昭文館大學士章得象學宗鄒魯道繼唐虞太傅武寧伯章仔鈞其高祖也德懋西拓功著南閩矧臧貽謀後裔昌榮特賜王爵追封瑯琊朕也慰爾孝思象也匡朕不逮慎終如始母替朕命勗諸

禮

慶歷五年乙酉二月

贈章得象高祖母渤海郡君練氏越國夫人誥

制曰於惟練氏懋乃懿德保障建州古今感澤陰隲流馨弈世顯榮昭文館大學士章得象位登阿衡世篤忠貞追惟厥由皆其餘慶昔也渤海郡君今封越國夫人唯象克終無忝乃妣允膺褒旌欽哉同上

慶歷五年乙酉二月

制曰朕惟國家之興必由先人樹德於前嗣人顯榮於後成周自后稷積德于八百年之前所以致三十七君之王有天下君臣雖殊斯理則一具官章得象高祖章仔鈞生於唐季值神器蕩搖之日過羣兇逐鹿之秋干戈糜爛生靈未免橫罹鋒銳交爭赤子不無屠戮仔鈞捍護七閩兵無血刃所以若子若孫咸躋顯仕朕推恩冢宰必推其所自今特追封仔鈞為瑯琊王靈其不昧服此榮褒

謹按此制舊譜亦係追贈仔鈞公瑯琊王之誥然與前之制事同文異二者必有一誤惟明崇禎七年傅山譜彙集曾載此誥自必從元季龍泉三益公譜內錄出似當以此制為確但各譜所載年分互異不無可疑今照舊兩存
章頰比部員外郎監饒州鹽酒稅制

勅侍御史知宣州章頴幸遘昌時列於通籍向膺朝選擢預憲僚罔敦平允之心曷副準繩之職喧於羣論頗異首公豈可以尙處清階仍臨劇郡就易郎曹之秩退居權署之司用儆當官勉於省己可宋大詔令集

章參等屯田郎中制

勅某孝宣之治信賞而衆職理京房有言舉功而萬化成政平吏良繇此物也朕率由舊章詳試庶工褒勸勤庸以風內外爾章參行義深篤奮由士彥而稔服朝聯典城臨民莅官行政節以廉著治用最聞列上年庸胥膺攷法中台之選起草爲華右曹之煩懇田居劇或進正員之重或峻副郎之選竝寵清流茲爲茂典益圖

敏政庸對陟恩

胡宿文恭集制內尙有員外郎趙永裕等二員故曰或峻副郎之選

翰林學士承旨尙書禮部侍郎知制誥章得象加階食邑實封制

勅朕以天正上元味爽冬至親旅備物拜貺于郊參賴左右之臣協敷陟降之禮亦既均福茲用懋官以爾翰林學士承旨尙書禮部侍郎知制誥章得象理職清明風姿高劬早服榮序濬發懿文入以代巽風之辭居常無溫樹之語濬疇時望升冠禁庭會崇配于嚴陔咨領使于容蒞繫爾儻導成我肅恭固當進于榮階衍以多邑且旌親近之選兼茂講求之勞益綏善猷往敷徽數可宋庠元憲集

尚書戶部侍郎章得象同知樞密院事制

制曰東臺出命久隆獻替之風右府權兵實總樞機之任眷我近弼爲時良臣宜錫命書往膺盛選爾章得象醇深而莊重寬厚而剛方學問高明潛天人之極致材器宏遠備文武而咸宜自結眷知薦歷華要宜叅陪於機務其懋著於忠勤以儒術之淵源達兵家之形勢智謀深博可以運籌帷幄之中聲譽駿隆可以折衝廟堂之上朕心所屬輿論攸歸疇資弼亮之才延登宥密之地峻陟文秩中衍戶封庸示寵光式昭體貌惟克彈於厥心以對揚於休命可舊譜

賜宰臣章得象讓恩命不允批答

卿曩服僉僉贊圖宥密嘉有勞于幾事俾移燮于大鈞方貯延登遽形冲避讓牘再

聞寵章猶鬱適圖亮采無遂終謙宋元憲集下同

賜新授尚書侍郎同中書門下平章事章得象讓恩命不允批答

省表具知袞職華重槐階峻極必咨民望允釐天工卿頃幹鴻樞實稔休聞敷燮之任授受惟宜而謙情素懷累控重啟尋加敦諭尙執遜冲且策名者以奮庸爲先體國者以獨善爲細矧茲爰立方切仰成安得遂循牆之恭稽側席之竚時膺往命勿復煩辭所讓宜不允仍斷來章宋庠元憲集

章得象授金紫光祿大夫依前行尙書戶部侍郎同中書門下平章事集賢殿大學士加食邑制

朕躬履拜圖厲精治本參贊萬微之務遴求四近之賢矧對掌於大鈞必允符於枚卜登我碩輔告于明廷正奉大夫尙書兵部侍郎同知樞密院事上柱國京兆郡開國公食邑二千五百戶食實封四百戶賜紫金魚袋章得象冲簡直溫懿厚和粹高文見於典冊茂行涵于珪璋頃由禁林進筦樞極慎重之望可以表儀朝倫經綸之才可以緝熙皇化爰立作相永孚于休於戲斷自朕心固僉謀之罔間協于一德豈盛業之難圖若時老成奚俟深訓可特授金紫光祿大夫依前行尙書戶部侍郎同中書門下平章事集賢殿大學士加食邑一千戶食實封四百戶仍賜推忠協謀同德佐理功臣

宋大詔
令集

寶元元年三月戊戌

章得象兼樞密使制

朕祇紹丕圖勤求至治永惟皇王之道爰立輔相之官鎮撫四夷宰制郡類而茲疆場之事乃專樞宥之司非通筦於冢卿曷統一於機務推忠協謀同德守正佐理功臣特進行尙書戶部侍郎同中書門下平章事充集賢殿大學士上柱國京兆

郡開國公食邑五千五百戶食實封一千六百戶章得象懿文華國深識達神寬裕表於性情誠明彰於術業矧夫密勿之地本總綏於四夷弼諧之臣固倚平於萬事宜正使名之重以符邦替之隆實賦爰田併申褒異於戲政有未允咨黃髮之謀知無不爲更勵素絲之節往服休命勿忘欽哉可特授依前尙書戶部侍郎同中書門下平章事兼樞密使集賢殿大學士加食邑一千戶食實封四百戶

宋大詔
令集

慶歷二年七月戊午

章得象授工部尙書同中書門下平章事兼樞密使昭文館大學士加食邑制朕聽覽萬機維御羣品詢謀輔弼和同天人矧登冠於百寮方審圖於一德爰諏剛日以告治廷推忠協謀同德守正佐理功臣特進行尙書戶部侍郎同中書門下平章事兼樞密使集賢殿大學士上柱國京兆郡開國公食邑六千五百戶食實封二千戶章得象學洞精微性資沉密居然廊廟之器職在鈞衡之司勵精力以緝朝綱稽猷訓以經世務清濁不可以澄撓重輕不可以低昂向以敵人犯邊王師在野爰兼樞筦以會兵機旋陳宏濟之詞居多暗合之論茲用擢首台鉉進都冬卿文館之華爰田之賦併茲命數式是注懷於戲若涉川爾爲舟楫之濟若作

室爾爲垣墉之茨勉恢盛猷勿替前烈可特授行工部尙書同中書門下平章事兼樞密使昭文館大學士加食邑一千戶食實封四百戶同

慶歷三年三月戊子

賜宰臣章得象生日禮物詔

詔曰卿亮采光朝生賢紀且邦儀有舊恩數惟蕃姑篤慶私所宜祇荷元憲集

賜章得象生日詔

詔曰帝賁茂宰與朕同心翕受九德脩明百度亨期賢運交相爲華今茲誕日固有常禮饗人酒正各俾往頌一以申祝永年一以助樂私闡錫爾難老副我眷毗宋祁

景文集下同

賜章得象以下批答

制曰南方壽星每歲爲候今見於庚寅甲夜澤潤焯明揆占惟應君其逢吉卿等樂聞瑞兆鋪述慶辭欲以美祥遂刊實錄勉從所請良用缺然

賜章得象乞罷第一表批答

批曰卿識度閑邃謀謨淹正比圖舊望爰冠上司而勤勞王家朝無異議翊戴寡德朕所自知雖輔政七年已究不績永維萬務方倚厥成遽閱奏封願歸宰柄詳觀

章曰會請
所啓撫然動懷且軍革尙興權綱須又實賴元弼偕涉大猷儻獨狗知止之高而外愆爲國之計君臣同體則不云然進退大方亦將未亮姑停遜執以副眷期所

請宜不允

宋祁景文集下同

賜章得象乞罷第二表批答

批曰朕以涼寡統制萬幾涉淵俟濟凜然祇惕是用擢卿俊望熙我庶工而謨明弼直早允羣議隱正冲坦自表素襟懿德所孚不仁胥遠朕庶幾同底于道克綏永圖而滄騰露章求諉時柄已降諭答尙執所懷况獨行之高未足多美勿貳之倚何容執嫌當畧謙言往安宰政孤風靜槩徒與嘉焉

賜章得象讓職第三表不允斷來章手詔

詔曰省三上表乞解重柄事具悉朕聞君爲元首臣作股肱相須有體是能有濟朕荷祖宗之構臨制萬方不明不敏每用自愧賴天之福寓內以寧惟一二柄臣輔其不逮不承執競以克厥庸卿毗佐七年終始一節鎮浮以雅伐叛以謀載其清靜紓我勞疾俾朝威主惠震疊光明時乃之功冀懋台德今確徇冲尙引避宰司求申所懷未喻前答永言大誼當存至公何嫌何疑自期獨往若然則元首之眷股肱之司得無用違以忝成訓母或封執容適大中卽斷後章式副朕意所請宜

不允

章得象罷相授使相判陳州制

制曰朕稽載籍之明訓見君臣之大方進惟盡忠既勤夙夜之力退必由禮將篤始終之恩矧茲師尹之臣久處巖廊之地屢陳懇素祈解鈞衡爰以剛辰告于列位推忠協謀同德守正亮節佐理功臣開府儀同三司行工部尙書同中書門下平章事兼樞密使昭文館大學士監修國史兼譯經潤文使上柱國京兆郡開國公食邑八千五百戶食實封二千八百戶章得象器懷中裕風度外高徧歷仕塗之華雅通治道之要自進登於宰席仍總決于樞庭有經遠之術可以懷異俗有厚生之功可以阜齊民方隆嘉靖之風益賴耆明之德而乃慎持謙節確避寵名既諒由衷之言莫留兪往之命俾將牙之分闔仍相紱之儀朝雖徇雅懷豈忘厚遇於戲義形許國固出處之一心材足濟時自文武之兼用勉綏賢履茂對邦休可特授檢校太傅同中書門下平章事使持節陳州諸軍事行陳州刺使充鎮安軍節度陳州管內觀察處置等使判本州事加食邑一千戶食實封四百戶仍改賜推誠保德崇仁守正忠亮翊戴功臣

宋大詔
令集

慶歷五年四月戊申

章兪職方員外郎制

勅章兪爾以藝文之學政事之材所更滋多皆有善最三載考績法當進遷往踐厥

官愈其思勉可王臨川集

草澤國子監篆石經章友直可試將作監主簿不理選限誥

勅章友直夫五經之列于學官定以隸古而傳于學者布於天下蓋已久矣然尙念其文字或失而繆也故詔使考其真而著之石以爲後世法惟爾友直實以小學之選而參其事今有司言爾篆體之精能盡師法又博習多識脩潔有守願有以官之故朕錫爾一命可以將作監主簿試于工正之屬以答爾勞以表爾能其往祇服可沈遵西溪集

奉議郎新差簽書鎮海軍節度判官廳公事章顯可知開封府尉氏縣制

制曰畿內諸縣古稱三輔之劇也兵屯所在尤號難治以爾久更宰字習知民務擢

而用之宜有顯效思自奮勵以副推擇劉放彭城集

兵部郎中充集賢校理章岷可太常少卿依前充集賢校理制

勅奉常之職掌凡禮樂之事貳卿而治者皆顯官也非清望美實不在是選爾兵部郎中充集賢校理章岷直諒疏達和而有守以學術之茂陞在臺閣以政事之敏

列于藩服疇其已試之效宜在當陟之典特授太常少卿依前充職往服休寵詎

煩多訓可韓維南陽集

章峴太常博士制

勅博士典相儀禮贊導乘輿今雖置員溢于舊制猶曰美秩屬之清流爾章峴聯郇國之華有閩士之望世用儒雅顯政以風跡聞會奉更書還奏成伐參質不謬序遷有典可授太常博士資淹中之學講野外之藹往祇褒寵勿替厥修胡宿文恭集

章帖再任蘇州制

詔曰吏不數易然後得以究其材今夫蘇劇郡也而爾為之守克有能稱嘉省厥勞仍其舊服往惟率職不懈以稱吾久任之意哉可吳郡圖經續記元豐七年

大理評事章望之可光祿寺丞致仕制

勅大理評事章望之爾通古今之學擅體要之文命屈當年仕沈下列志不撓于簪組心自適于江湖恩命屢頒輒遜辭于榮進懇誠再露祈退就于燕休守臣為言

高風可尚優進膳丞之秩俾從鄉閭之居祇欽寵章益保冲粹可蘇頌魏公集

虞部員外郎章延之等轉官制

制曰廉能者上過累而不任事者下或遷焉或斥焉此有司比羣吏之大法也爾虞

部員外郎章延之端靖祇肅敏于爲治有司言其廉能應詔條可遷差籍序次並

加優秩可

鄭澗集

舉人前杭州昌化縣令章蒙改著作佐郎

勅具官某在昔明世莫重親民之官肆我治朝爰開舉吏之法得人既效懋賞必行以爾術業甚修廉方自表久從銓筦之調已試宰字之能累歲有勞知已言狀擢

序蘭臺之秩漸階鸞黨之榮益慎持操乃副甄獎可

同上並見蘇魏公集

太常寺卿章衡勅

勅列寺置卿奉常尤爲高選凡祠祭禮之事悉總治之職要地清非他司比充是選者實難其人爾章衡資識敏明器度凝遠博雅好古直諒多聞中外踐更靖共自好蔚有譽望藹于縉紳簡自朕心擢長寺事朕方觀會通以行典禮罄齋潔以事神祈資爾欽承副予明恤贊相禮儀之事討論郊廟之文往率乃僚各修厥職以稱朕所以命爾之意

舊譜

熙寧二年正月

朝奉大夫提舉杭州洞霄宮章衡知滁州制

勅章衡爾早以藝文亟更華要比疇勞久登列嚴禁而弗圖其終以墜厥服浸更歲

月法應甄收起于詞館之閒錫以周符之重往欽厥止尙永無愆可鄒溪集

寶文閣待制章衡賜紫金魚袋兼東南路兵馬鈐轄使制

制曰天生蒸民其勢不能自治必資諸臣以共理焉爾寶文閣待制章衡學師鄒魯

道繼唐虞折丹桂一枝冠英雄三百佐列聖握國之重符歷四朝掌文之盛典今

特賜爾紫金魚袋兼淮南兵馬鈐轄使爾其益懋厥學益廣厥才慎終若使母替

朕命欽哉舊譜

賜權知海州章誠獲軍賊獎諭勅書

勅曰者徼巡之官失于馭下致起畔卒歛驚海隅汝職守隣疆力當賊銳募徒應猝

擒捕有方外臺列功久而未省再覽來牘良深汝嘉王珪華陽集

賜新除門下侍郎章惇赴闕詔

詔曰卿以舊輔填撫北陲緬懷俊能入議幾政令訓迪有位服於官成倡予猷為良

在近弼宜副延矚亟觀闕庭宋大詔令集

元豐五年五月

正議大夫知樞院事章惇知汝州制

制曰黜陟之典咸徇至公進退之間尙存大體爾正議大夫知樞密院事章惇早繇

法從亟預近司肆彼躁輕失于審重至於替御之列嘗通問遺之私比議役書本俾參訂當其敷納初不建明逮于宣行始興沮難務從含貸益至喧呶鞅鞅非少主之臣硜硜無大臣之節稽參故實稍屈典刑噫朕以幼冲仰煩慈訓苟乖恭事曷肅憲章其解政機往臨郡寄弗忘循省服我寬恩

宋文鑑

元祐元年

章惇知揚州勅

勅樞臣之長出居列郡汝海之地僻在連山邈焉鄉黨之遐疑失親庭之便朕方以孝治天下德綏臣鄰宜惟茂恩俾易近地爾章惇早以文詞中選拔出於衆人中以功名自期被遇於先帝逮予纂服亦既期年比緣議論之差授以方州之寄澹然自守綽有安靖之風臥而治民不失綏懷之體眷揚楚之重地據吳越之通途仰足以分子南鎮之憂俯足以慰爾思歸之願體朕至意勉于裕民可

蘇轍樂城集

元祐元年

章惇左正議大夫左僕射兼門下侍郎制

制曰門下爲政之道無競惟人思得骨鯁挺特之純臣適修彌綸康濟之緒業圖我舊德冠于宗功孚號大廷播告多士資政殿學士降授通議大夫提舉杭州洞霄

宮上柱國豫章郡開國公食邑三千七百戶食實封一千八百戶章惇器博以大志剛而明才之所施則酬酢萬變而無窮學之所造則貫通百家而不惑蚤席華問寢登近班自結聖神之知薦登丞弼之地佑我昭考格于不平肆予纘服之初身任受遺之託足策社稷底寧邦家方政令出于簾幃權柄歸于廊廟善政良法多所紛更正色危言不憚彊禦十年去國一德保躬雖風波並起乎畏途而金石不渝于素履朕親覽機務緝熙事功卓創業垂統之艱難念繼體守文之忱惕典刑具在績效可稽究觀民情以知利害之實斟酌時變以適增損之宜克昭前人之光實繫良弼之助矧封疆無以懲外侮田里無以安常生四方之休戚壅于上聞羣臣之忠邪愆于公議眷求真宰秉我國成是用起爾燕閒之中位諸公輔之上超進祿秩寵陪戶封南山巖巖久隆師尹之望赤鳥几几行俟袞衣之歸於戲賢能相推而庶官和號令必臧而下民若如治梓材汝惟丹雘若作和羹汝惟鹽梅朕方注意以佇壯猷爾其奮庸以叶朕志修明百度率勵庶工期共恢於遠圖尙無替于先烈亟共爾位終底厥成可特授左正議大夫守尙書左僕射兼門下侍郎加食邑七百戶食實封三百戶勳封如故主者施行

宋大詔令
集下同

紹聖元年二月

章惇加恩制

制曰門下朕涓選休辰稱秩元祀我將我享內盡靈承之心有壬有林具輸顯助之力眷惟一相祇率羣工揚於大廷申以休命左正議大夫守尙書左僕射兼門下侍郎上柱國豫章郡開國公食邑四千四百戶食實封一千一百戶章惇器博而用遠實茂而聲宏尊其所聞而不疑載之行事而可紀佑我烈考有社稷之茂勳毗予冲人以廟堂之顛議薦膺圖任之寵升冠弼諧之隆民言維口國是以定屬備咸於百禮方大賚於萬邦申衍食封式蕃恩數於戲咸有一德伊尹所以致格天之功罔不同心傅說所以盡康民之道爾勵相予朕維汝嘉用奉若於先王終有辭于永世可

紹聖二年九月

章惇特授金紫光祿大夫制

制曰嗣先人宅丕后亶祇紹于慶基附百姓撫四夷實仰成於良弼於赫上帝賚予元臣具殫夙夜之勤其下褒嘉之典蔽自朕志揚于王庭左正議大夫守尙書左僕射兼門下侍郎上柱國豫章郡開國公食邑六千四百戶食實封一千九百戶章惇業亮天工道熙帝載訏謨迪哲烈文孔昭致遠有王佐之材任重得大臣之

體擢自文考登翼天朝審協贊於睿謨實導揚於末命建議定策力挫奸臣之謀
扶顛持危終安神器之重功爛竹帛名光鼎彝逮予親政之初首寘秉鈞之任修
起發度振張網維屬黠羌之弗庭資長畫以馭遠內有論道經邦之實外有開疆
復宇之休列障相望道路無壅爰及叩關之請坐臻偃革之期疇成效於一時進
文階於五等爰田眞食並衍本封出於異恩靡有前比於戲克無疆惟恤則亦無
疆惟休建無窮之基斯有無窮之聞共熙庶績式靖四方底於不平昭我先烈可
特授金紫光祿大夫依前守尙書左僕射兼門下侍郎加食邑七百戶食實封三
百戶

元符二年五月乙丑

章惇曾祖炎皇不仕可贈金紫光祿大夫太子少保制

制曰積德累善所以慶流於後昆立身揚名是謂光昭於前烈眷股肱之重寄副士
民之具瞻爵命所加上逮三世典章維舊寵數則新爾左正議大夫守尙書左僕
射兼門下侍郎章惇曾祖章炎懿行在躬含章不耀蕃衍之福覃於曾孫允協師
言參斷國論東宮之輔以極褒嘉可特贈金紫光祿大夫太子少保尙其有知享
此休顯

王安禮魏
公集下同

章惇曾祖母陳氏可追封穎川郡太夫人制

傳曰有天下者事七世豈特君人者可以觀德哉蓋位有高下故禮有隆殺德有厚薄故施有遠近此輔弼之臣追賁先世至於大王父母而止非在廷庶工所能與也爾左正議大夫守尙書左僕射兼門下侍郎章惇曾祖母陳氏肅雍端靜嬪於令人若時聞孫登貳政柄圖任之始改封名邦可追封穎川郡太夫人維靈有知尙克膺此

章惇祖佺贈工部尙書可贈金紫光祿大夫太保制

制曰輔弼之臣恩禮尤異追榮及于祖考錫命至於公師惟當於人情亦以褒夫貽訓爾左正議大夫守尙書左僕射兼門下侍郎章惇之祖贈工部尙書章佺蘊行積德施于後嗣進陪機務爲世名臣秩正三司位極貴顯可加贈金紫光祿大夫太保尙其冥漠知享此榮

章惇祖母福昌縣君楊氏可加封建安郡太夫人制

制曰朝廷褒贈之典所以飭既往而勸將來也若夫善積厥身慶鍾後嗣榮懷追賁可無稱哉爾左正議大夫守尙書左僕射兼門下侍郎章惇祖母福昌縣君楊氏淑懿見躬來嬪令族母嚴婦順宜其家人若時賢孫登預政事嘉而有後疏錫大

邦可加封建安郡太夫人尙此休榮通于幽窈

章惇母吳興郡君羅氏可追封吳興郡夫人制

制曰善其身者慶流於嗣忠於國者教本於親是以有顯揚之榮有追往之數所以明子道而勵臣節也爾左正議大夫守尙書左僕射兼門下侍郎章惇母吳興郡君羅氏徽柔之行淑惠之聲協德君子佑啟賢息蔚然令名擢貳鈞衡參總機務養志之盛旣無逮於閨門錫命之崇宜有加於泉隧疏封大郡寵以副笄可追封吳興郡夫人賁於無窮尙克加享

章惇妻定安郡君張氏可嘉興郡夫人制

制曰輔弼之良與國同體政事之重非賢不居顯名寵數加乎身德善勳勞材諸位宜爾家室可無稱乎爾左正議大夫守尙書左僕射兼門下侍郎章惇之妻定安郡君張氏出自慶門是稱淑媛徽柔莊靜作儷寶臣克協朕心擢貳機政爰錫小君之號仍疏大郡之封可封嘉興郡夫人維靈在幽膺此休顯

元符二年 左僕射章惇特進申國公制

制曰門下朕遭家不造罹國大憂念投艱於朕身用端命於上帝惟時元輔佑我先

王播告治朝誕揚休命具官章惇弼亮三世勸勞百爲上以贊乎天工下以定乎國是廟堂鯁議操守一心帷幄深籌決勝千里當昔受遺之際綏定我家逮居述事之時克篤先烈茲繼猶於津渙方宏濟於艱難申國異恩賜位特進陪敦邑采加進國封於戲后德惟臣臣良惟聖爾其立政立事勿用非常非彝尙遠乃猷克祇厥辟則予一人以懌惟爾永世有辭可特授特進依前尙書左僕射進封申國

宋大詔
令集

元符三年五月戊子

章惇罷相以本官知越州制

制曰門下奉先者事亡如存追往者送終爲大朕祇若先后率循舊章考卜目山之陵夙命秉鈞之使虛衍有素職墮弗虔其孚大庭以詔多士特進尙書左僕射章惇早以時望揚於庶工出逢聖作之時參陪國是之論比以宰衡之任總護容車之行稽留半途暴露通夕惟邇不任慨然永懷累上封章自陳誠懇乞還相印出守州符深務矜容俯從勤請於戲君臣之分體欲曲全朝野之言咎將誰執往祇成命服我寬恩可特落尙書左僕射依前特進知越州仍放謝辭上同

元符三年九月辛未

朝散郎權發遣成都路轉運副使章棨勅

制曰先王設官制祿非特以勸功興事也將以觀士之所守而進退之惟愛道者爲能愛民惟知義者爲能知利以爾臨事有守信道不回治郡有方奉使不擾力行古人之事庶幾循吏之風擇此大邦付之一路無輕遠人謹視貪吏政成民悅朕不汝忘舊譜

章棨吏部職方郎中勅

勅章棨等先帝以禮樂刑政責成於文昌用人之難非宅官比清曹劇部尤重其選惟能試之有漸是以用無不宜以爾棨按察西南治辨不撓尙有戶部郎官馬琬等並稱一時之良爲我庶政之助譬如衆輻各致其用然後大車得以運行勉悉爾心以稱

朕命可蘇轍樂城集

新除吏部郎中章棨可知越州制

制曰出宣使指入居郎臺朝廷之選二者偕重而東南之邦會稽爲大督輸財賦平治獄訟使閭里無歎聲農桑得其職長民之所寄又宜擇焉吾不以重外爲嫌而忽共治之意以是命汝往惟欽哉劉攽彭城集

資政殿學士章棨同知樞密院事制

制曰朕惟天下治安之本實在二府故文武雖若異任而眷注未嘗不均必求其人
以贊樞極資政殿學士章棨受知哲廟擢付帥權既生致夫曾豪且廣恢於境土
屢形捷奏數被褒嘉眷宥密之須才越班聯而登用蔽自朕志寵示殊恩惟不忍
肝腦之塗郊原故能愛重人命惟備見飛輓之耗帑廩故能慎惜邦財事在變通
爾知之矣勉思所以善其後者以副朕躋民仁壽之意可依前資政殿學士同知

樞密院事

鄒浩道鄉
集下同

建中靖國元年秋七月

贈資政殿學士同知樞密院事章棨曾祖谷制

制曰內安百姓外撫四國朕所賴乎輔臣者重矣是豈一時之功哉夫賴其功者既
不止於一時則榮其先者宜追及於三世蓋不如是不足以爲稱爾資政殿學士
同知樞密院事章棨曾祖章谷飭躬行義困于小官佑啟後人協贊樞極積德之
報至此益彰文階二品之崇東宮三少之列用光流澤以茂寵靈

贈章棨曾祖母彭氏制

制曰朕之所以待柄臣者隆名顯秩既已藩飾其身矣苟於其先無以異之與凡卿
大夫等則何以昭體貌而崇勸獎乎追賚所加宜及累世資政殿學士同知樞密

院事章燾曾祖母彭氏躬有淑德歸于令門惟積善以滋深故慶流而益遠執我
大政實爾曾孫用新名郡之封光配官僚之貴尙其冥漠不昧歆承

贈資政殿學士同知樞密院事章燾祖侍御史頻制

制曰才高氣勁望著臺端有志在時至孫而達入陪宥密輿議歸之越從憲部之崇
進秩儲宮之峻用昭爾祉以對天庥

贈資政殿學士同知樞密院事章燾祖母閻氏制

制曰篤于尊祖雖學士大夫之所同賁以殊恩乃執政大夫之所獨禮惟其稱義則
當然資政殿學士同知樞密院事章燾祖母閻氏被服七章兼全四行旣言歸于
望族遂協濟于肥家積是休祥蔚其子孫朕所登用賴以乂安載嘉流澤之光式
茂追榮之數啟封善郡增煥私庭

贈資政殿學士同知樞密院事章燾父禮賓副使訪正一品制

制曰自昔言孝有曰立身揚名以顯父母夫爲人子者孰不有是心哉惟二三輔弼
勳與位稱然後足以極其顯親之榮爾資政殿學士同知樞密院事章燾父禮賓
副使章訪介于使聯陰自殖德命有所制志不獲伸篤生賢英擢總樞極肆厥謀
猷之助亟成中外之安推原所從褒錫敢後冠宮師之峻秩正一品之崇塔茲謂

異恩往告子弟

贈資政殿學士同知樞密院事章稟母黃氏制

制曰曾參有言曰吾及親仕三釜而心樂後仕三千鍾不泊吾心悲自古及今未有歷仕而心不再化者朕于一時通籍之士既皆有以慰其心矣而况股肱近輔追顯其親其可後乎資政殿學士同知樞密院事章稟母黃氏以正承夫以恩睦族祥發閨門之內功形夷夏之中有子而然朕所眷賴小君錫號善郡啟封尙克承之以昌厥後

贈資政殿學士同知樞密院事章稟妻和氏制

制曰朕既延登老成翊贊樞極其在閨門之內宜昭伉儷之賢雖曰舊章實爲異數資政殿學士同知樞密院事章稟妻和氏順承夫義協致齊家夙彰輔佐之功不愧圖書之訓惟時君子方厚倚畀用陟爾封以鴻厥慶往祇朕命益懋德聲

章稟贈銀青光祿大夫制

制曰旌勞念舊政所宜先隱卒飾終禮必加厚昊天不弔哲人其萎宜伸褒贈之榮以篤忠義之勸故資政殿學士通議大夫中太一宮使章稟才兼文武學富古今赤心百口白首一節昔裕陵之仙遊既遠元豐之聖烈浸墮薦起共驢之凶幾成

牛李之禍空邊防以驕敵氣蹙國土以借盜資猖獗狐豕之區鼓舞□□之衆朝
輸盟好暮致寇攘允賴嘉謨亟還成績秦都所畀無不爾或承漢壘相望則莫我
敢遏有禦侮有疏附恢廟畧於三朝無智名無勇功肅邊聲於萬里肆延登於樞
府爰震疊於蠻方偶爽節宣勉從熙養尙觀劉侯之強飯終諧傅說之和羹詔墨
未乾訃音來上古皆有死夫復何言青綬銀章進階二品紫泥金印增賁九原朕
不汝遺靈其克享可宋大詔
令集

崇寧元年八月

淮東提刑章絳降兩官送吏部與遠處小監當制

勅淮東提刑章絳鈔法之行始克就緒爾身任其事所宜遵承而迺挾情自私沮壞
詔制遂非毋憚良駭朕聞不正憲法何以示戒宜先衝罷仍黜厥官俾還銓曹遠
司筦庫往加循省勿重後愆可慕容彥逢
摘文集

章承祖循一資制

制曰千里饋糧師不宿飽其責甚重頃者屯兵淮壩轉餉爲急飛挽之事爾或有勞

進資一等姑以示勸尙其勉之口口

章傑除工部郎官制

制曰朕惟百工之事皆聖人作也述聖人制作之意考治百工而使咸精其能是謂有司之職以爾傑才智明達風力敏強將漕外臺蔚有休譽宜遂進登郎省屬於冬官以修五材九範之法克恭朕命嗣有寵褒

張綱華陽集

紹興四年

章傑江公亮倉部工部兩易其任制

制曰天下之務總于六卿選建諸郎分隸迺事爾章傑爲司平掌五材九範之法以率百工蓋版曹口部其屬雖不同至于委用則未始或異兩易厥任出於至公往祇厥官母替朕命

同上

紹興四年

章誼轉官制

制曰爲官擇人取正銓衡之法以稽爲決具存簡冊之公屬兵火之蕩焚詔臣工而緒正成書來上第勞有差爾章誼博通世務而言必據經明習憲章而事無遺策頃貳司寇考法治官俾專筆削之工釐補詔條之逸昭明義類迄就編騰分核品流悉從科指吏絕詐欺舞文之弊士無流滯失職之憂實繫爾能有協朕志章程既定仍舊貫于七司褒典有加進文階於一律可以徽猷閣直學士充樞密院都

承旨往服休命知予眷懷

華陽集

章誼除龍圖閣學士制

制曰憲河洛圖書之瑞宏內閣之邃嚴奉祖宗謨訓之箴極儒臣之榮寵式序在位必協公言爾徽猷閣直學士章誼博稽藝文明達政體粹然論議智每合於投機試之劇繁才有餘於遊刃以嫉惡根霜臺之譽以持平守法寺之公擢貳秋官有嚴邦禁爲屬樞府克贊兵謀蔚高侍從之華嘉乃踐揚之久冠西清之峻職正學士之隆名庸示殊恩式彰有德可授龍圖閣學士依前充樞密院都承旨往祇厥服思振所蒙

同上

紹興四年

賜新除龍圖閣學士依前樞密院都承旨章誼辭免恩命不允詔勅章誼省所奏辭免恩命事具悉朕聞古者以禮使臣量材授職禮不備則是待人以犬馬才不稱則將假人以器名緩急何由而盡心爵祿亦無以勵世謹守茲戒朕焉敢私卿學粹而通經識明而知務貳劇曹于蘭省承密旨于樞庭左右具宜周旋匪懈欲加煩使爰錫徽章顧內閣之聯河圖爲重而學士之選寓直則輕俸超綴于新班用增華于舊任蓋將有待尙何可辭所請宜不允故茲詔示想宜知

悉恭從禮北海集下同

紹興四年

賜新除龍圖閣學士章誼再辭免恩命不允詔

勅章誼省所奏再辭免恩命事具悉朕以強敵欲和擇才充使必得一時之雋繼圖二國之成顧孰可行獨卿稱首賜分盼于寵渥以顯示于光華苟懷利事君卿固所當戒者而不遑將母朕其所以慰之况延閣之序遷亦從班之常數惟朝廷之爵祿本以勸功體臣下之勤勞可無加禮亟祇成命勿復固辭所請宜不允故茲詔示想宜知悉

紹興四年

勅軍前通問使章誼辭免特賜起發錢一千貫銀絹二百疋恩命不允詔

勅章誼省所奏辭免特賜錢一千貫銀絹二百疋兩恩命事具悉卿暫遠親顏出從王事靡見幾微之色備聞激切之誠然自歷修途既有齎裝之費而還觀私室豈無服用之需載軫朕懷是加茲錫初非妄予奚足深辭所請宜不允故茲詔示想宜知悉

紹興四年

章誼端明殿學士建康留守制

制曰朕遠御中原時巡吳會睽金陵之近屏視京邑之陪都必資禦侮之雄用畀居留之重肆求邇列爰屬寶臣爾章誼德宇粹溫氣守沉毅夙持風憲輸面折廷爭之忠旋總計司著國富兵強之效受命不聞於擇事居官皆可以策勳茲輟侍于禁林往分憂于江表陞華秘殿增賁侯藩大連城師帥之權專行臺管鑰之寄式勤遠畧庸示眷懷昔蕭何以謹信委關中寇恂以文武守河內爾其固龍蟠虎踞之勢以爲干城宣風聲鶴唳之威以恢土宇庶幾嘉績無愧古人可特授端明殿學士兼建康府留守

李彌遜
筠谿集

紹興八年正月

端明殿學士章誼可兼江南東路安撫大使知建康府並行宮留守制

制曰擁齊旄于外闔式隆將帥之權分符檄于留都克壯藩垣之勢方資保釐之功宜懋褒隆之典誕敷渙號播告治朝爾章誼惇靜而剛方溫恭而博達富淵源之碩學蘊經綸之偉才歷陪國鈞實亮邦采履一德而不爽告辰獻而具藏顧陪京之闕守非元老而莫居勉爲朕行用錫爾祉元戎峻秩授建南之節旄全魏雄藩付北門之筦籥宜威稜于六纛總節制于列城阜成兆民善護諸將賴爾鎮撫予

無顧憂敦陪邑戶之多併示寵光之渥於戲申伯之開四國實總藩宣吉甫之憲萬邦兼資文武封圻以衛王室守典以承天庥往既厥心無替朕命可舊會

紹興八年二月

賜朝奉大夫永興軍提舉章棗勅

勅曰國家量才使能必當其任朝廷論功行賞各稱其情爾永興軍提舉章棗克昭職守懋著勤勞堪膺提舉之司不辭重大之寄今授爾階朝奉大夫爾其益勵乃

職欽哉母忽永康譜下同

紹興八年

章棗父章偉贈朝奉大夫勅

勅曰臣以竭志爲忠子以顯親爲孝故臣子能致身于君者則朝廷必兼榮其父焉爾章偉乃永興軍提舉章棗之父制行端方秉躬卓犖爾子得爲世用厥父應被恩榮特封爾爲朝奉大夫恩典所加益綿封祉

章棗母周氏贈恭人勅

勅曰能官效職雖猶父教而成立身成名必資母德之助爾周氏乃永興軍提舉章棗之母懿行可風柔嘉是則有子克供厥職是母應荷覃恩今封爾爲恭人特錫

爾榮以綏福祉

永康

章燾除大理司直制

勅具官章燾明王建官循名責實大理設屬職在詳讞猶懼撓曲則司直之官存焉

以爾持心甚平敏於從政故命汝為之汝能知名官之義則職舉矣

張擴東憲集

紹興十四年

章復除御史中丞制

制曰朝廷紀綱之地御史府必得其人天子耳目之官中執法實為之長地嚴則望

峻才稱則職脩朕考擇于朝幾同弄印久虛乃位蓋俟登賢爾諫議大夫章復氣

深以純善不外見行毅而正志乎中庸擢自豸冠列之諫省茲日聆其讜論既序

冠于爭臣專席南司無以易汝頃朝夕陳善固已誠而可觀今中外聞風當不繩

而自肅可特授御史中丞往率厥屬朕有望焉

周麟之海陵集下同

紹興二十二年四月癸酉

章復除端明殿學士簽書樞密院事制

制曰朕惟常德立武事既恢偃革之功守成責儒臣益賴本兵之助疇惟邦獻登與

政機爾御史中丞章復志端而量夷行潔而才茂蚤潛心乎大業致策足于要津

考之以言責則議論諤諤有古諍臣之風付之以憲綱則威聲稜稜得中執法之體朕方收天下之兵柄敷七德以靖邦範斗中之樞躔幹萬機而齊政輒自南司之峻進陪西府之崇可特授端明殿學士簽書樞密院事簡在朕心式孚衆論雖方隅底定靡勞罇俎之折衝而夙夜惟幾當叶廟堂之成算其懋乃德永孚于休

紹興二十二年四月辛巳

前吏部侍郎章服贈太子少傅制

勅曰進禮退義固君子之本心錄事紀功乃朝廷之大典勤勞既深于夙昔褒贈何間乎存亡爾朝散大夫吏部侍郎章服仕學兼優動猷懋著出補外職廉敏堪稱入典內臺忠誠可鑒讜論時陳于黼座嘉謨允足以經邦罷職口口潛心著述放閒歸里雅志吟哦再起提舉之司忽來淪亡之計特晉爾階太子少傅嗚呼孤錫命備口口臣人之榮貳吏分階早列冢卿之亞用申賚飭被爾恩榮

永康譜

淳熙元年正月

中散大夫知通州章冲制

勅具官某人之難知舊矣爾為南蘭陵以戶曹為賢而舉之閱歲既久乃以口聞申

舉將之罰不可廢也其上一秩毋忘省循

樓倫攻魏集

淳熙九年

獎諭朝散大夫知建康府江東安撫使章森勅

勅章森省所奏劄子創造見管軍兵營屋等事具悉陪都重地軍籍尤備聯校束伍必有營壘之固而事功創舉實資長才卿禁涂之英折符守籥政平訟理民用安業乃能以其餘力體國遠慮列盈舊址繕治一新夫經畫有方則民不病擾居處既定則士不知勞若兵與民均安而亡害且足以儆軍實修武事為藩翰經久之計其利溥矣成勞上聞深為嘉歎故茲獎諭想宜知悉春煖卿比平安好遣書指不多及

景定建康志

淳熙十五年八月

顯謨閣待制知江陵府章森煥章閣直學士知興元府制

勅荆楚奧區無若江陵之重巴蜀外蔽實賴漢川之雄我有侍臣更此名鎮峻增延閣之職用寵元戎之行具官某稟氣冲和受材宏達早被知于慈辰亟登任于禁途司留籥于陪都既騰善最建高牙于南郡久殿上遊眷炎劉始封之邦為元德必爭之地案此稱蜀漢昭烈帝之字雲屯萬竈虎視三秦誦武侯出師之章諒其素志審漢將登壇之策勉乃壯圖毋有遐心往祇朕命

新知興元府章森改知瀘州勅

勅開藩蜀部曾洗印之未聞易鎮邊陲又改轅而于邁惟首公之有素諒承命而遂行具官某知畧該通才猷挺特進儀禁路入陪豹尾之嚴擢殿留都出擁麟符之重由上流之奏課畀西道以折衝十年而守漢中田叔固宜于久任五月而渡瀘水武侯豈憚于遐征矧羣情安集之初藉元帥撫綏之力推君子之心置小人之腹能坦然而不疑脫慈母之懷立嚴師之旁當翕爾而自定亟祇成渙用寬顧憂章森依舊知興元府勅

勅國家謀帥豈命令之可移臣子徇公亦東西而惟命間因有爲未免從宜具官某文有古風神無滯用以禁路論思之舊爲藩方師帥之良建鄴留都允藉保釐之畧江陵巨屏久煩鎮撫之威惟此興元控于蜀道念開藩之未及又易鎮以有行不如舊貫之仍毋庸新尹之告漢中地重肯形雞肋之書南國教明當息鼠牙之訟尙圖茂渥以答顯庸

煥章閣直學士中大夫知興元府章森勅

勅具官某風儀峻整學術疏通持橐禁途嘗典銓衡之重分麾帥閫屢專方面之雄

以上攻
魏集

章蘊差充留守司準備差遣先轉一官制

勅具官章蘊朕念畿右重地久隔王靈肆命弼臣往司管鑰惟時僚佐選任實難爾
以才猷擢居幕府進官一等用寵其行尙勉之哉無忝朕命可劉一止 苦溪集

賜太尉章謙生日詔

詔曰長夏屆時適應炎曦之候高門流慶是生戚里之英才德兼全恩榮克稱宜厚
匪頒之賜以彰眷遇之殊錫奉寵光益綏壽祉今賜卿生日羊酒米麪等具如別
錄至可領也故茲詔示想宜知悉劉才邵 檇溪居士集

太常寺丞兼國史日歷所編類聖政檢討官章穎特轉一官制

勅太常寺丞兼國史日歷所編類聖政檢討官章穎昔者仲尼序書斷自二典以爲
堯舜揖遜之美後世弗可及矣矧惟我家父作子述不待倦勤親相授受蓋視帝
者有光焉則聖政之作豈不足以匹休虞書哉爾等各以名儒載筆東觀作宋一
藝垂之無窮及此奏篇朕爲之序日上慈辰壽皇嘉焉藉使仲尼在宜如何表異
之而有司以故事第賞爰進一官此朕之所甚不愛也可陳傅良 止齋集

紹熙四年正月

太常寺丞章穎軍器少監制

勅太常寺丞章穎爾以倫魁之彥

案倫魁見漢書楊雄傳是集屢用之一本改倫為掄非

端諒有聞進丞容臺

預職史筆王邸講誦之益天官銓綜之公惟時名流兼此數器俾爾戎監是日序

遷萃之象曰除戎器戒不虞此亦急務尙勉之哉

攻媿集下同

軍器少監章穎左司諫制

勅軍器少監章穎古者箴規之求下逮工瞽矧位於朝孰不進言以諫名官視古已

狹選用之際其可不嚴爾蚤以倫魁寢登華序清標直節照映周行約史東觀橫

經朱邸端靖無華物自宗之擢居諫垣允協時望可特授左司諫山甫補袞職之

闕孟子格君心之非尙惟勉旃以伸素蘊

紹熙口年

左司諫章穎侍御史制

勅左司諫章穎朕臨御之初精求政體正心以正朝廷正朝廷以正百官朕之所務

也然一朝之綱總於憲臺一臺之柄屬於端公茲得其人他可類舉以爾秉心堅

正燭理融明學問之懿察于朱邸橫經之年風節之峻見於諫省論事之際不俟

信宿擢之南牀其爲朕別白正邪振舉蠹弊使君子有所恃小人有所畏四方風

動而朝廷益尊於予初政豈曰小補之哉

慶元元年

容侍御史章穎勅

勅章穎爾早陟殊科進多雅望曳裾王邸熟陳六藝之精微執法憲臺獨振一時之

風采

賜中大夫章穎辭免除寶謨閣學士恩命不允詔

勅具悉昔我烈考博求當世之彥以從朕于潛藩二十餘年之間老成凋零存者無幾矐念疇昔怒焉興懷環瞻在廷獨卿最舊顧可輕聽其去哉而引年之章屢却復上夫尊者艾重朝廷朕之本志也礪廉隅知止足卿之至情也朕既不獲留卿于近班亦豈不能賚卿以異數延閣之命人誰間言往服新榮以燕里社所辭宜不允詔

勅具賜中大夫權禮部尙書兼侍讀章穎乞許歸田里不允詔

勅具悉朕觀昔者忠臣以言去國有流落不偶而終其身者有投閑未幾而還踵登用者公道之開塞率於是焉占之朕丕承祖宗崇尙讜直凡自初元以來繇論事去者更化之後亦有存而未召召而勿用者乎惟卿蹇蹇匪躬名在諸儒之右首觸權倖一去十年越既來歸寘在帷幄從容獻替朕甚嘉之間由貳卿進攝宗伯

鳴珮搢笏出入闕庭使薦紳大夫相語曰此慶元諫爭之臣嘗誦而復伸者也激

高風而勵頽俗庶其在茲卿方懷歸殊拂朕意所請宜不允

劉煇雲莊集

賜中大夫試禮部尚書兼侍讀兼修玉牒官章穎乞引年致仕歸休田里不允

詔

勅具悉朝廷所尊實兼爵德典型雖重未若老成卿造道深醇養氣剛大在紹熙末

以讜言位諫列迨慶元初以直道忤柄臣棲遲十年連蹇三紬多士宗其高行當

世謂之正人自歸踐于禁塗仍首陪于經席漢庭皆憚汲黯凜骨鯁之未衰商宗

舊學甘盤喜儀型之復見親賢方篤避位何名尙殫入告之猷毋徇退休之志所

請宜不允

真德秀西山集

嘉泰四年七月

章穎辭免除禮部尚書兼職依舊恩命不允詔

勅章穎昔朕之就傅也先皇帝妙簡一時之望以從我于潛藩琢磨以道義漸漬以

經術蓋無異商宗之學甘盤漢皇之得四皓也今其存者尙復幾人登進褒崇詎

容或後卿正大之學足以格君清修之行足以勵俗中緣直道去國有年肆其來

歸擢侍經幄閭閻惻惻動寓忠愛眡前爲有加焉文昌六卿禮最高選載疇已試

卽念爲貞朕於敬故尊賢庶幾兩得之矣抗章求避豈所圖於卿者哉所辭宜不

允同

章帖除大理寺丞制

勅獄人之大命王者欲以是槩彜于民不可以威貨爲也朕嫉鍛鍊之吏懲五過之疵惟時理官靡不慎簡以爾帖儒科之良深達古義嘗累佐名郡爲中都官處煩決疑必有餘裕今予命爾承於廷尉之司聽辭欲其簡孚閱罪欲其審克惟察惟法時乃之休

海陵集

章良能起居舍人制

勅朕惟左右史之並建所以記人君之言動垂之萬世以爲信書其責顧不重哉爾良能華國之文見推士類細書東觀兼直北扉卽其識技之優庸在選掄之數可授起居舍人爾其務存直筆君舉必書庶幾朕每臨朝有以自警

虞備尊白堂集

朝請郎江南西路轉運判官賜緋魚袋章良能等依前特授江南東路轉運判官賜如故制

勅入聯扈從之班出領澄清之寄內外雖異眷注則均爾良能士林之秀問學淹該
□□□□□文章足以華國進陟螭陸寓直北門皆接武于禁嚴尙回翔于麾

節朕惟祖宗用人之道必以事任誠試其能所以儲養望實之孚成器就業之美
是用大江東西分列將漕爾宜體朕此意職思其憂凡一道財計之盈虛列郡生
民之休戚均節咨訪施置罷行少須最績之聞卽對褒延之寵益加懋勉不汝遐

遣可

衛涇後
樂集

新除禮部侍郎兼侍講章良能辭能不允詔

勅卿夙富青箱之學來居紫橐之班兼直北門典司東觀朕惟親軍旅之務非以待
詞翰之臣儀曹旣俾爲眞經幃仍資勸講爰總夷夔之任實親褚馬之賢僉謂汝
諧卿毋多遜

禮部侍郎章良能乞宮觀不允詔

卿以該治通敏之才洊直鼂禁亦旣三載身兼數器宣勞翰墨之間夥矣朕更化之
初大述作多出卿手方有賴於論思之助遽以目眚求退非所樂聞也卿雖欲奉
身而去使朕幾似於棄才者可乎其安厥位勿重有請

新除吏部侍郎章良能辭免不允詔

勅卿以剛勁之資濟以博洽之學爲吾詞臣仍兼數器其在儀曹事有不可者堅執
不移朕所歎嘉進貳天官其以處儀曹者處之柅吏姦明銓法庶使無賢愚同滯

之嗟何爲固辭更欲求去非所望也

侍講章良能辭免進講毛詩終篇轉一官不允詔
勅朕日御邇英講明經理三百五詩至是終篇叙進官聯厥有典故卿居從列實助
緝熙母事固辭益思所以輔朕之不逮

新除御史中丞章良能辭免不允詔

勅朕惟振朝廷之紀綱當先重紀綱之地新天下之耳目必遴求耳目之官卿鯁亮
之資淵深之學自奮於章布之日有聞於縉紳之儒雖遍歷於清華亦屢更於夷
險處身無玷疾惡如風欲堅塞於倖門曾不辭於怨府彈擊之任簡求實宜其力
辨於官邪以共扶於國論發卿所蘊助朕有爲勿騰避寵之章益勵敢言之氣

攻媿集

賜中大夫同知樞密院事兼太子賓客章良能等辭免皇太子受册命了畢各
轉一官恩命不允詔

勅朕觀三代有道之長法重離繼照之象更化之始首建儲闈宗祀之前舉行册禮
宏休懿鑠照映古今神祇祖考莫不咸喜卿等以股肱良弼兼侍青宮既殫出入
諭教之勤復與周旋禮文之盛闕而不錄謂典章何傳不云乎太子正而天下定

卿等有輔朕安天下之功矣而欲辭一秩之賞得乎亟其祇承母或多遜所辭宜不允

賜大中大夫同知樞密院事章良能辭免皇太子講授春秋終篇特轉一官不允詔

勅具悉昔晉侯以羊舌肸習于春秋使傅太子彪楚莊王問教太子之道于申叔時亦必春秋爲首方是時麟經未作二臣所學蓋乘檣杙之類耳孰若取聖人之微言擇天下之端士以訓導元子如今日之懿哉卿等蔚以鴻儒參陪國論事機之暇從吾兒游究終始于遺經迪高明于德性其爲益大矣進官一等茲謂故常陳義固辭殊非所望所辭宜不允

章良能辭免皇太子講授春秋終篇與轉一官恩命不允仍斷來章批答勅省表具悉朕惟三代之教太子必使明孝仁禮義之經六藝之有春秋所以著父子君臣之道博求鴻碩敷闡精微卿以股肱之良參羽翼之重雖靡勞于請說實深賴于儀型越旣終篇所宜論賞夫學爲王者事匪專多訛之勤而習與正人居自有不言之益云胡抗奏自托罔功明兩作離當勉裨于令德日三成魄毋徒貢于謙言所辭宜不允仍斷來章

賜通議大夫同知樞密院事章良能辭免皇太子讀三朝寶訓終篇特轉一官不允詔

勅孝友等具悉朕觀三代盛時惟先王彝訓是式如奉拱璧如寶大龜兢兢焉罔敢失墜是以皇祖之訓著于夏書文王之謨述于周命故能保世滋大以敷遺後人休惟我三朝格言大法具在一書猶古二典朕固嘗讀之於經帷復命羣儒以授儲禁俾吾元子知創業守文之艱明修身治國之要懋敬厥德以對于前人其爲益大矣終篇論賞偏于宮僚豈吾大臣迺獨弗及朕命不易往惟欽哉所辭宜不允

同知樞密院事章良能乞任外觀不允詔

勅具悉朕不見卿數月矣以朕懷卿欲見之心知卿未忘于朕也屬聞有瘳則爲之喜入對便朝體力如故則又加喜焉顧方日親嘉謀以輔不逮而需章遽上若不容一日留何哉夫恩義相須誠如來奏傳曰爲人臣者無以有己此義之大者也若乃圖一身之便安而忘眷倚之至重又安得爲義乎以卿之明當知所擇悉心思報毋或他云所請宜不允

嘉定六年

賜通奉大夫叅知政事兼太子賓客章良能再辭免今上皇帝會要禮畢轉官
恩命不允仍斷來章批答

勅省表具悉昔魯邦之寢敵謀在能秉于周禮世祖之恢皇業由復用于漢儀則知
典法之廢興實繫國家之隆替於惟我宋近酌有唐勒成會粹之書具紀施行之
實使後世由之而稽決有司卽是而討論豈曰空文厥惟鉅典而卿蔚以使領相
予禮容既登奉之告成豈褒崇之敢後往祇渙命勉抑謙詞所辭宜不允仍斷來

章以上西
山集

朝散郎行軍器監主簿賜緋魚袋章煜依前官特授行司農寺丞賜如故朝散
郎權發遣安慶府軍府兼管內勸農營田屯田事章升之依前特授大府寺丞
制

勅七寺二監之屬雖分職有煩簡勞逸之殊而儲養賢望以待選擇意則均也爾章
煜質性端靖更踐惟舊爾章升之材術通敏自喜事功或爲丞貳或居簿正各殫
乃心往贊而成俾邦計優裕而戎備修飭咸迪厥官嗣有褒寵可後樂
集

賜中散大夫岳州監軍章大連勅

勅曰國家參謀幕府之臣必擇才智兼全之士以供事者以其任大而責重也爾郢

州錄事參軍荆湖制幹使章大連沉機觀變慮事周詳允稱制禦之才洵作干城之寄特授爾階中散大夫兼監岳州軍務勉立事功崇秩之加必不吝爾

嘉定十七年二月

吉水令章子先勅

勅夫又安黎庶惟令最親朕每命直指巡方輒諭其察循政以聞因而旌之庶可爲勞臣勸耳爾吉州吉水縣知縣章子先醇明之識爽練之才愷悌撫民精明滌弊情流六案琴堂砥節于羔羊仁播四封葑屋詠歌于鴻鴈薦書屢奏成績蔚然是用授爾階宣教郎錫之勅命夫爲治不難于文而難于實苟能顯力民瘼自不悛所生耳今爾政以實報大吏亟稱之矣尙其懋樹弘猷以需朕之顯擢可舊會

嘉定十七年三月

進士章夢飛可承事郎簽判鎮東軍敕

敕朕勅天之命夙夜祇懼茲策多士於庭爾以正對發明時幾之義深契朕心擢冠羣英僉言惟允授爾京秩贊畫輔藩往欽初命益務培養器業將於此乎觀可補承事郎簽判鎮東軍

淳祐七年十二月

賜朝奉大夫兩浙轉運使章一鳴勅

勅曰朝廷設轉運之職必選廉敏端謹之材以充其任斯事乃能有濟而戶部得特以無虞也行在兩浙轉運使章一鳴發跡賢科歷官都邑夙擅老成之望早來廉吏之稱今晉爾階朝奉大夫爾其益勵乃職用光朕命

永康
譜

寶祐二年三月

兵部侍郎章鑑可特授文華閣待制階通議大夫錢塘縣開國伯制

制曰朕聞天道至公無私法天之道亦至公無私夫爵賞無私者所以示至公也爾兵部侍郎章鑑素持正道志不屈於權門時進忠言每有裨於國計輿論交揚朕心適協可特授文華閣待制階通議大夫爵錢塘縣開國伯食邑八百戶食實封口口戶尙其慎終如始敬爾在官無替朕命

寶佑三年乙卯八月十二日

文華閣待制章鑑之祖章詔可贈通議大夫制

制曰前有潛德則後必大昌孫有顯名則祖宜共享此褒榮之典所以稱情而立制也爾贈承節郎章詔乃文華閣待制章鑑之祖也心性純靜甘蹈邱園行義清高遠孚邦族雖謝世已久而今名不衰卽爾孫之奮庸知貽厥之有在茲特贈爾爲

通議大夫嗚呼燕翼有謀位遽臻於三事龍章下賁光應及於九京

文華閣待制章鑑之母王氏可贈碩人制

制曰朕以孝治天下亦欲在廷之臣咸遂追尊之願肆有褒綸以顯揚之爾贈宜人王氏乃文華閣待制章鑑之祖也夙昭壺德啟佑後人貽厥奮庸相繼熙載發祥之自其敢忘之茲特贈爾爲碩人冀淑靈之有覺膺寵渥於今茲

文華閣待制章鑑之父章樞可贈通議大夫制

制曰光前之子每出於義方之父故父以子賢亦理之常也爾奉直大夫章樞乃文華閣待制章鑑之父勵志儒業奮跡賢科積厚流光克開慶祚祿養雖隆而榮褒未錫茲特授爾爲通議大夫祇服華綸用光庭訓

文華閣待制章鑑之母盛氏可贈碩人制

制曰詩美文武推本於太任太姒蓋以非是母不能生是子也則子之賢顯母誠與有力焉爾贈宜人盛氏乃文華閣待制章鑑之母孝敬禋躬勤儉理內生申啟祚而不克永年育子勞神而未曾就養靜念何恃宜錫休榮茲特贈爾爲碩人歆服顯綸用光幽窆

文華閣待制章鑑妻俞氏可贈碩人制

制曰人臣服官奏績固其自樹然儆戒相成內助實多故國家慶典伉儷同之所以正齊體之倫明從爵之義也爾文華閣待制章鑑之妻俞氏夙著壺儀動遵女誠克孝克敬允宜厥家相夫而積學成名佐國以宣猷布化念茲內助宜錫榮封用是贈爾爲碩人祇口鴻休益光象服

寶佑四年十月十五日

福建轉運判官章鑄可特授福建轉運使爵昌化縣開國男制

制曰朕思總治在君分治在臣苟臣而克供厥職有光理道者懋功之典當隆也爾中奉大夫福建轉運判官章鑄出自世胄而力鋤恬侈之風歷官內外而克盡宣猷之力則朕之賴爾者多矣論功行賞宜晉爾秩可特授福建轉運使爵昌化縣開國男食邑三百戶爾其恪供厥職無忝朕命

福建轉運使章鑄之妻趙氏可封碩人制

制曰朕與國同休而婦與夫齊體故國有恩賚伉儷惟均爾福建轉運使章鑄之妻趙氏夙鍾淑德允嗣徽音壺政聿修官常協贊內助之功其容泯諸茲特封爾爲碩人嗚呼善相厥夫聞雞鳴而交警正位乎內被象服而允宜祇服華綸益虔懿

範以上昌
化譜

寶祐五年丁巳八月十六日

大理寺簿章勸等將作監簿制

勅大理寺簿章勸等漢宣帝勵精求治綜核名實以練羣臣黜陟有序衆職修理上下無苟且之意迄濟中興朕甚慕之爾勸弓冶其傳謹畏自飭大農監有丞寺匠監有簿往爲我分治之丞以承輔其長簿以糾正厥違非特示進擢之榮也政事文學禮法之士繼自今咸稱厥職則予以懌可

農監等語

洪咨夔平齋文集原文有司農寺丞趙汝訓等不錄是以制內有大

贈秘閣修撰章應雷之父繼祖制

制曰移孝作忠者人臣之所以事君推恩錫類者國家之所以勸士自古鐘簴卣鬯用錫前光非虛美也爾秘閣修撰章應雷清忠直亮允協朕心顯擢既加褒封宜懋茲特贈爾父繼祖爲□□□絲綸寵賁夙夜永懷欽哉

銅陵譜下同

咸淳四年三月

章應雷秘閣修撰制

制曰蓋聞古者明王所以保邦致治未嘗不資賢才以爲之輔也朕履茲艱運旰食宵衣思得天下之賢光啓文明之治未遇其人朕心歎焉爾探花章應雷精通六

籍明達治體發迹賢科足彰文學之蘊策名首第允孚邦家之光茲特授秘閣修撰爾宜益勵清修無忝厥職以副朕求賢責實之意欽哉

咸淳四年三月

諭經筵講官章鑑等勅

勅朕初纂丕圖亟奉慈訓既御經幄日親羣儒深念進德立治之本實由典學朝夕罔敢怠忽尙賴諸賢悉心啟迪毋有所隱朕當垂聽並加自勉令學士院明諭朕

義寧州志

淳祐六年

章鑑特授端明殿學士同簽書樞密院事制

勅祇勤外治劫毖中樞以救寧武功倚羣賢之強本惟幾康弼直咨同德之合謀迪簡蓋臣誕揚明命爾章鑑器裕而守正識融而履純中外不倚不流得諸涵養之厚學問如磨如琢從我新益之游俊心灼知賢業可大乃踐爭臣之列乃儀常伯之聯繩愆格其非出納惟允陳善爲之敬就將有光察其忠嘉宜在宥密念采微守衛之策正徹桑綢繆之時風寒嚴護于江淮月捷翼清于襄峴有常立武無競維人若頤浩由天官而升若晏殊以宮案之舊俾陪借箸之畫式協推車之忱班

書殿而總要經爵躬圭而增多邑其贊帷幄籌之運以成道德威之強噫在元祐則巖叟讜言用君子而保國在中興則臣鼎遠慮申軍律而治兵共濟民謨克邁前哲其特授端明殿學士同簽書樞密院事可

王應麟四明文獻集

咸淳八年

其於國也... 其於民也...

其於道也... 其於德也...

其於學也... 其於教也...

其於法也... 其於刑也...

其於禮也... 其於儀也...

其於樂也... 其於舞也...

其於兵也... 其於戰也...

其於食也... 其於飲也...

其於衣也... 其於居也...

其於事也... 其於業也...

其於名也... 其於實也...

其於信也... 其於義也...

其於忠也... 其於孝也...

其於節也... 其於廉也...

其於勇也... 其於怯也...

章氏會譜德慶初編卷之十一

會稽章貽賢輯撰

太傅仔鈞公家訓

傳家兩字曰讀與耕興家兩字曰儉與勤安家兩字曰讓與忍防家兩字曰盜與姦
亡家兩字曰嫖與賭敗家兩字曰暴與兇存猜忌之心休聽離間之語休作生憤
之事休專公共之利喫緊在盡力求實切要在潛消未形子孫不患少而患不才產
業不患貧而患喜張門戶口口不患衰而患無志交遊不患寡而患從邪不肖子孫
眼底無幾句詩書胸中無一段道理神昏如醉體解如癱意縱如狂行卑如丐敗祖
宗之成業辱父母之家聲鄉黨之羞妻妾爲之泣豈可入吾祠而葬吾塋乎戒石具
左朝夕誦思樂善惡惡流澤之德無疆德澤最廣亦當體心願去邪惡
忠君上感戴官五等並去亦應出書又而未可升意進計至誠耕讀
上天下澤冠履之辨甚嚴踐土茹毛朝廷之恩自渥無論摺笏垂紳固沾聖德卽寒
儒受一命榮而生事葬祭皆得邀殊典以光吾宗農工商賈雖未列於翹秀而以恬
以熙各安其業者悉君賜也卽堂陞云遙而天威不遠咫尺人可不盡忠以尊吾君
哉

孝父母

詩云哀哀父母生我劬勞欲報深恩昊天罔極故身體髮膚受之父母不敢毀傷孝之始也立身行道揚名於後世以顯父母孝之終也若夫則天因地冬溫夏清乃人子當盡之事初何足以酬鞠育且人子年漸壯父母年漸衰全賴爲子者朝夕承歡方可俾親無患或有正務他去亦須出告反面未可任意游行至如椿萱偏逝爲子者有妻孥之樂爲親者無偕老之歡此種苦緒最足傷心尤當體心順志時時周旋膝下卽境遇貧富不齊而孝道貴乎順親敬親苟不講乎此雖日用三牲不得爲孝也彼世之養其親而不知敬慰其親而不知順者直禽獸等耳甚願吾子孫無之也

友兄弟

天下最難得者兄弟易得者錢財蓋錢財或失可以復來兄弟一失不能再得况兄弟早於夫婦久於父子詩曰伯氏吹壎仲氏吹篪昭其翕也又曰兄弟鬩于牆外禦其侮夫鬩墻乃大不祥事猶且禦侮如是良以兄弟乃同氣連枝非出自人合者也書云惟孝友於兄弟何言孝而又言友兄弟蓋兄弟不和父母之心不安則傷親之志矣紫荆瘁庭田氏之分財可鑑大被共寢姜肱之友愛可風世有專聽婦言而視兄弟如陌路者豈吾子孫之所宜效哉

分別夫婦不思

天下之人自天合者每易至於疏自人合者反易流於嫫嫫則夫不夫婦不婦內外其尚有別乎且夫爲妻綱彼牝鷄司晨惟家之索者實夫不能正心修身以階之厲也然則其婦賢者須相敬如賓其婦不賢者亦須不聽婦言使之駸駸自化而世有自甘卑屈倚婦勢以支門戶此最下之風可不戒哉

睦親族

三黨之中皆與我有休戚相關之誼必期循其名分恤其孤寡同其好惡貸其貧急不以意氣相加惟以禮讓爲先斯上不負祖宗下不欺幽獨相愛相敬風斯古也且孔子大聖恂恂鄉黨其於親族果何如耶願吾族衆母以貴欺賤母以強凌弱母以衆壓寡斯爲一鄉之善士矣倘於親族之間休戚漠不動念而或交相欺凌是蹶其根本矣可不戒哉

教子孫

易言蒙以養正爲聖之功斯教之所由尙也昔顏氏著家訓而子孫世守柳氏重家法而子弟顯榮教可不預乎哉世人中材者多習於正則正習於邪則邪惟請明師資益友庶可期其成材苟率其鹵莽滅裂之概絕不以言坊行表者爲子孫作楷模

則百無一成矣若夫誨諄諄而聽藐藐斯又子弟之不謹凜率教也於祖父何尤

繼絕世

繼有兩條有應繼有愛繼應繼者伯叔無嗣子姪承繼由長及次由近及遠以次推焉愛繼者本親子姪當繼而又愛堂者為後則以堂者繼之本堂子姪當繼而又愛從者為後則以從者繼之此一定之理若同姓不繼而取繼於異姓則與祖宗一脉流傳之義毫無干涉雖繼猶斬也古人云神不歆非族可不思乎

正術業

先王之世民間俊秀者列之黨庠州序之中其次則務本耕農力田稼穡梓匠輪輿行商坐賈若舍此以外如梨園皂卒乃卑下之甚者術業一差設心自異品流日汚適足玷辱宗祖貽譏鄉黨故名不得載譜牒身不許與祭饗可不畏哉

自甘勤本職

業精於勤荒於嬉周公多材多藝猶且坐以待旦矧其下者昔陶侃為刺史時每日運甓不輟木屑竹頭悉令舉掌後皆有用惟其勤也故士不勤則學不成農不勤則秋無望男不勤於外女不勤於內則內外何以取之而裕如大禹惜寸陰吾人當惜分陰此言不可不思

崇儉約 劉蕤宗嘗曰其谷雖平

作法以儉猶恐其奢而可以奢爲尙乎晏子爲齊相猶且豚肩不掩豆澣濯以朝君况庶民之家理宜量入爲出以備緩急不時之需若任意揮霍久必淫溺而忘返獨不思成立之難如升天墜覆之易如燎毛乎此微特貧者宜儉卽富者亦不可以祖父之所置而濫用無度也

崇勵廉隅 廉隅者廉之隅也廉者不與一介不取謹慎自持萬

廉得天地之正氣立心制行自具確乎不拔之操一介不與一介不取謹慎自持萬鍾弗顧千駟弗視道義足樂不以貧窮改移不以患難易轍纔是天地正氣聖賢學問若於陵仲子矯爲廉而非真廉又烏足以稱廉哉

謹言動 謹言動者言動之謹也言者心之發也動者身之動也言動之謹則心身皆謹

天下事肆則易失謹則易成詩曰小心翼翼美文王也孔明有王佐才尙終身以謹慎爲本霍光出入禁闈舉步不踰尺寸謹之一字實爲守身要務夫士不謹則佻達貽譏民不謹則敗檢取辱凡一切言語飲食動靜起居無一節之不謹此介石貞吉之謂乎

敦謙讓 敦謙讓者敦者厚也謙者虛也讓者遜也敦謙讓者君子之德也

天道虧盈而益謙故月圓示冲地道變盈而流謙故水溢則泛神道害盈而福謙故勢盡則殃人道惡盈而好謙故衣衾必缺試玩謙卦六爻無一不吉而以勞謙君子萬民之服爲尤難焉是人之立身處世惟卑以自牧庶在邦必達在家必達耳禹拜昌言善所以益廣也舜察邇言知所以如神也故謙爲聖賢之用而道德於以日輝

慎婚配

易基乾坤詩首關睢婚姻之際人之大倫也每見世俗家不思門戶相對而專尙射利無惑乎婚配失宜而行同虜道也但娶婦須不若吾家者則女之事舅姑必執婦道嫁女須勝吾家者則女之事夫子必敬必戒議婚者其審之

重喪祭

孝子事親生則養沒則喪喪畢則祭養觀其順喪觀其哀祭觀其敬此三者孝子之行也人之於祖父春秋必祭忌日必祭祭必以禮庶士農工商各展孝思不然時值當祭而不祭或祭之而無洞洞屬屬之心是忘其水源木本者也又何責焉

建祠宇

禮云君子將營宮室宗廟爲先蓋祠乃先靈之所棲子孫所以盡報本追遠之義也况習禮飲胙睦族敦宗皆係於此其容緩乎

治葬地

凡營葬當避五患須使他日不爲道路不爲城郭不爲溝池不爲貴勢所奪不爲耕犁所及古人之擇地如是今之惑於堪輿家者必得吉地必合年月遂至停柩不葬是舉祖父遺體以圖子孫富貴大非仁人孝子之心矣至墳墓坍塌亟宜修理蓋父祖體魄子孫同氣彼安則此安彼危則此危也

立墓碑

葬埋藏其形也墓碑示後世也墳高數尺必立石碑於前鐫錄世系名字行列令後世子孫識其祖墓所在祭掃瞻拜不致失誤事亡如存斷不容緩

置祭田

祭所以報本無田則祭無所出家禮云初立祠堂則計立田取二十之一以爲祭田親盡則墓田立約聞官不得典賣每歲計租之所入以爲犧牲粢盛之需

保蔭木

墓木成拱所以護祖塋也松柏垂青梓桐增色望之蔚然而深秀者皆元氣之所盤結也陌路墳蔭尙思珍惜矧我祖我宗忍令斬伐而勿思培植乎敢有不肖戕賊削譜革祭倘或他姓侵砍合族呈官究治

禁盜賣

禮云君子爲宮室不斬邱木邱木且不可斬忍將祖墳田地售諸他姓及被侵佔乎有此等事呈官究治外削譜革祭吾族斷不容恕

謹稱呼

凡族中雖服屬疏遠者必須按尊卑行輩稱呼稱兄必曰某兄稱弟必曰某弟稱伯伯必曰某伯伯某叔稱伯伯祖必曰某伯祖某叔祖不得爾我相稱不得僅以字號相呼至於一行一坐俱要尊者還尊卑者還卑敢有不遵合族懲之

戒爭訟

好爭非君子之道爭之不已則必致訟訟豈必勝哉且訟者之辭多鮮實情最足壞人心術費財破家何益之有凡事宜忍宜讓不必爭訟縱有外侮亦宜靜以制動公道既明自然可寢若以非理訟人尤爲不可故易訟卦終訟受服而猶有終朝三褫之戒

除兇暴

恃血氣之勇凌人傲物侮慢尊長欺壓孤懦深可痛恨甚至兇酒撒潑以爲得志無賴極矣不知忘其身禍且及親親亦何辜吾族有此房長懲飭不悛合族嚴加重處

道光乙巳原鄉白馬章氏修輯族譜生員文炳元炳二君求序於族叔祖丙奎公其譜內所載太傅公家訓數十條皆愷切詳明足為保家守身懿戒丙奎公嘗擇其尤要者二十四條於咸豐九年付梓以示族人貽賢謹按前刊家訓為太傅公垂誠凡屬子姓皆當恪守茲敬列於右俾山裔孫貽賢謹識

清一祖康刺及遺
唐州史公像



浦一祖康刺及遺
城世唐州史公像



刺史章公像贊

色之溫藹陽春色之莊儼
秋霜五馬馭羣鷗藏德溥
其施澤深而長宜厥孫子
光大以昌

蘇軾

二祖福軍判修遺
世唐州事官公像



卷之十一

德慶初編卷十一

像贊

七

章判官像贊

唐福州軍事判官章公修實檢校太傅仔
鈞之父也其遺像至今蓋四百餘年矣二
十世孫御史中丞溢偶於閩中購得之如
獲至寶持以示其友宋濂因為作贊贊曰
器局深沉容儀嚴肅吁嗟哲人如金如玉
餘慶所被孫子若雲重珪疊組至今揚芬

宋學士集

宋濂拜題

三世祖太傅仔鈞公遺像

唐太傅公遺像

唐李德裕以相繼角逢天眷開王
 李基內職識以公傳寄之干城
 建都駐兵一方底寧身親寬仁
 必有其後果成山言今名不朽



雲間三九世孫鳴節謹藏

言此畫像係唐李德裕

太傅章公像贊

嗚呼我公忠義天錫不詭而隨
不矯而直敢拒江東荷公之力
嗚呼我公德孚於鄉昭格冥冥
祚胤其昌蟄蟄螽斯天篤其祥

竇儀拜題

太傅公像贊

唐李失鹿羣雄角逐天眷閩王
肇基南服識拔太傅寄之干城
建節駐兵一方底甯厚貌寬仁
必有其後果哉王言令名不朽
青龍裔孫鐫謹撰

三祖越夫練夫遺像 世妣太人國太人

世國練夫夫人遺像

爭羨芳名直代馳泉然巾幗
勝須眉雲初尚時當年事
清爾摩堂鄭鼓碑

雲間王元孫鳴鶴謹藏

康熙戊戌仲冬高孫繼緒題



練太夫人像贊

罔惜一生以活人命

女中丈夫具此德行

報祀並崇血食永盛

赫赫芳名丹青照映

查元芳題

太傅公像贊
練夫人

懿惟秦國少宦茸城太傅五世孫秦國公竊監華亭鹽樂

其風土家抱茲二象來自七閩亦越武於青龍鎮

義武義縣男思齊公夢賢太傅十四世孫為元鉅卿祖德

食舊先芬誦清若張昱若楊維楨妃豨

同賡丁陽九厄禍水忽生洪武十三年詔藉江左大

姓數十家章氏與焉文孫寶之弗燬於兵太傅十世孫

銘新公始由青
龍遷居郡城
虞部繼起
虞部公 廼篤

宗盟文石作贊筆簡而精
文石虞部公

孰系以詩明府紹庭
紹部公 繼緒孰付

裝池其兄銅陵
銅陵公鳴鶴紹 俄遭妖

燄穴蟻縱橫此為靈光感慨徒增敬墨

其殿淵源斯明爰乞椽筆載揚芳名

雲間裔孫未謹題

南唐檢校太傅雅州刺史史兼御史大夫上柱國武都郡開國子仁坦公遺像



雅州刺史仁坦章八公像贊

時維五季兮羣雄猖獗昆季
並出兮妖氛盡滅虛懷下士
兮羽翼王業凜凜德容兮芳
名燁燁

永嘉王十朋題

南唐指
揮使檢
校工部
尚書仁
昉公像



南唐賜
名獻誠
建州制
置使檢
校司徒
仁燧公
遺像



南唐檢
校尚書
駕部郎
中宋贈
太師中
書令燕
國公仁
嵩公像



太師仁嵩章公像贊

行嚴而方學優而粹
勢利紛如淡然無累
抑抑德隅人望知畏
古有貞廉于公作配

四明王應麟題

南唐建
州節度
推官檢
校工部
侍郎仁
徹公像



章日會詩

侍郎章公贊
龍躍鳳鳴經緯
邦國維孝維忠
其人如玉
吳徵題

南唐建

州軍事

推官檢

校尚書

比部員

外郎仁

郁公像



南唐靖
邊都指
揮使耀
武大將
軍仁政
公遺像



南唐建
州馬步
都虞候
檢校太
保兼御
史大夫
仁愈公
遺像



南唐耀
武都指
揮使仁
鑑公像



後周檢
校工部
侍郎兼
耀武將
軍仁肇
公遺像



南唐徵
授秘書
省校書
郎仁燾
公遺像



南唐銀
青光祿
大夫監
察御史
仁耀公
遺像



南唐檢
校太子
賓客兼
御史大
夫仁祐
公遺像



南唐檢
校太子
右庶子
兼監察
御史仁
遜公像



南唐檢
校太子
賓客兼
監察御
史仁輔
公遺像





宋

贈太師工部侍郎文谷章公像贊

黃庭堅

公貌則古公心則純好善樂道永綏天命譜舊

又

呂頤浩

偉才碩望絕俗清標狀元之舉德業其昭胸懷圭璧珠璣揮毫天生英哲文士之翹

全城陰德祠誌

大理寺卿章公佺像贊

韓琦

學究天人忠慎不失勤勞王家始終如一譜舊

仁宗御賜章得象贊

明睿之資克實之學識見之高持守之確追周召之休風尋孔顏之真樂同上

章郇公像贊

范仲淹

朱綬紫貂冰玉其顏凜凜英氣見者膽寒端莊厚重其屹如山不委不靡公易人難忠誠待物砥柱狂瀾職司戎務剛栗而寬偉度高明赫赫仕班歷險若夷履危而安似公人物光耀兩間陰德誌

台郡思賢堂章文簡公贊

尤袤

昭陵命相率用厚德顯允郇公其儀不忒循持法度恪守繩墨視彼更張無異跳擲
執久不行自觸牆壁使用公言治無今昔臨海舊拜杳渺音澤厥今甘棠二五詩蹟

梁谿遺稿並
見赤城集

光祿寺丞表民章公贊

吳奎

孝友出乎天性仕進非其本懷宗鄒魯之心傳黜荀楊之異說攬川嶽之奇觀儲性
情之發越故譽隆於生前而澤流於奕葉

章寺丞贊

胸藏二酉學博五車援古證今論驚四筵淡心利祿逸致翩躚松菊勁節陶公比肩
風月高懷周子孰先緬想其人邈不可瞻或水之湄或山之巔英靈長在覩斯遺編

樞密章莊簡公贊

周必大

經緯懋資疆郵攸戢守控全城戰摧掠敵溫省崇班王室是翼垂裕後昆勒名社稷

又

前人

儒林儀表國家棟梁風雲翰墨錦繡文章架長虹於寥廓聽鳴鳳於高岡

徽宗御賜章衡贊

內德溫純外容莊重翰苑詞宗國家梁棟幼學壯行明體達用

寶文閣待制子平章公像贊

缺名

南宮擢僑直院集賢祧廟建議典禮截然發矢破的名震幽燕搢笏峨峨赫赫遺編

章忠恪公像贊

周宗建

學通古今忠貫日月勤勞王家拾遺補闕嗚呼斯人周之召奭商之傳說陰德誌

端明殿學士建康留守章公像贊

江萬里

英標嶽立繡斧獨持面折逆黨風紀是司明廷建節匡國濟時偉哉忠恪學者所師

舊會譜

從事郎運之章公贊

缺名

宰相之裔倉部之孫威儀棣棣衣冠恂恂系傳建浦派出古杭築室登瀛河澗宮牆
畫錦南峰科第鐫名高揭故匾昭示雲初詩書紹往禮義開來故家喬木栽植載培
歷宋而元歷元而明世世享德典型具存顧瞻遺容悚然屏息繩繩後人永嗣無斃

知辰陽府才邵章公贊

朱熹

公之清與天並明公之遠與天並顯輕清兮浩浩無邊綿遠兮繩繩俱纘隱者畊學
兩全仕者忠孝俱勉攷其世系兮彌芳彌遠

淳熙薦士錄考語薦文肅公

楊萬里

早冠多士其學益峻立朝鯁挺公論推表

章文肅公像贊

處己以忠待物以恕藹然如陽春之融風規峻整踐履端凝凜然如秋霜之烈

陰德誌

禮部尙書文肅章公贊

吳澂

惟正氣旁礴兩間公得之而生望重天下名法後世至今耿耿不泯者空山林下今猶若見之繪斯肖像所以立人心植剛大也

杭山丞相章公像贊

缺所名

國之遺老時之清臣政教區畫風俗維新富貴不淫患難奚恤神明其心始終厥德

舊譜

夫對... 學... 南宮... 文...

章氏會譜德慶初編卷之十一

會稽章貽賢輯撰

陳

司空昭達公傳

公諱昭達字伯通吳興武康人也祖諱道蓋齊廣平太守父諱法尙梁揚州議曹從事公性倜儻輕財尙氣少時嘗遇相者謂公曰卿容貌甚善須小虧損則當富貴梁大同中公爲東宮直後因醉墜馬鬚角小傷公喜之相者曰未也及侯景之亂公率募鄉人援臺城爲流矢所中眇一目相者見之曰卿相善矣不久富貴京城陷公還鄉里與陳世祖遊因結君臣之分侯景平世祖爲吳興太守公杖策來謁世祖世祖見之大喜因委以將帥恩寵優渥超于儕等及高祖討王僧辯令世祖還長城招聚兵衆以備杜龕頻使公往京口稟承計畫僧辯誅後龕遣其將杜泰來攻長城世祖拒之命公總知城內兵事及杜泰退走因從世祖東進軍吳興以討杜龕龕平又從世祖東討張彪于會稽克之累功除明威將軍定州刺史是時留異擁據東陽私署守宰高祖患之乃使公爲長山縣令居其心腸永定二年除武康令世祖嗣位除員外散騎常侍天嘉元年追論長城之功封欣樂縣侯邑一千戶尋隨侯安都等拒王

琳於沌口戰於蕪湖公乘平虜大艦中流而進先鋒發拍中於賊艦王琳平公册勳第一二年除使持節散騎常侍都督郢巴武沅四州諸軍事智武將軍郢州刺史增邑并前千五百戶尋進號平西將軍周迪據臨川反詔令公便道征之及迪敗走徵爲護軍將軍給鼓吹一部改封邵武縣侯增邑并前二千戶常侍如故四年陳寶應納周迪復共寇臨川又以公爲都督討迪至東興嶺而迪又退走公仍踰嶺頓於建安以討陳寶應寶應據建安晉安二郡之界水陸爲柵以拒官軍公與戰不利因據其上流命軍士伐木帶枝葉爲筏施拍于其上綴以大索相次列營夾于兩岸寶應數挑戰公按甲不動俄而暴雨江水大漲公放筏衝突寶應水柵水柵盡破又出兵攻其步軍方大合戰會世祖遣余孝頃出自海道適至因并力乘之寶應大潰遂克定閩中盡擒留異寶應等以功授鎮前將軍開府儀同三司初世祖嘗夢公升于台鉉及旦以夢告之至是侍醮世祖顧公曰卿憶夢不何以償夢公對曰當効犬馬之用以盡臣節自無以奉償尋又出爲使持節都督江郢吳三州諸軍事鎮南將軍江州刺史常侍儀同鼓吹如故廢帝卽位遷侍中征南將軍改封邵陵郡公華皎之反也其移書文檄並假以公爲辭又頻頻以使招之公盡執其使送于京師皎平進號征南大將軍增邑并前二千五百戶秩滿徵爲中撫大將軍侍中儀同鼓吹如故高

宗卽位進號車騎大將軍以還朝遲留爲有司所劾降號車騎將軍歐陽紇據有嶺南反詔公都督衆軍討之公倍道兼行達于始興紇聞公奄至恇擾不知所爲乃出頓涯口多聚沙石盛以竹籠置于水栅之外用遏舟艦公居其上流裝艦造拍以臨賊栅又令軍人銜刀潛行水中以斫竹籠籠篋皆解因縱大艦隨流突之賊衆大敗因而擒紇送於京師廣州平以功進車騎大將軍遷司空餘竝如故太建二年率師征蕭歸於江陵時蕭歸與周軍大蓄舟艦于青泥中公分遣偏將錢道戢程文季等乘輕舟襲之焚其舟艦周兵又于峽山南岸築壘名曰安蜀城於江上橫引大索編葦爲橋以度軍糧公乃命軍士爲長戟施於樓船之上仰割其索索斷糧絕因縱兵以攻其城降之三年遭疾薨時年五十四贈大將增邑五百戶給班劍二十人公每奉命出征必晝夜倍道有所克捷必推功將帥厨膳飲食竝同於羣下將士以此附之四年配享世祖廟庭子大寶襲封邵陵郡公累官至散騎常侍護軍出爲豐州刺

史舊譜
陳書

唐

孝子成緬章公傳

袁 韶

先生史逸其字諱成緬姓章氏於潛人貞元八年喪母廬於墓側手植松柏十五年

墳側生芝十三莖烏鵲來巢麋鹿共處長吏以聞十七年四月敕旌門閭賜粟帛州縣存問復賦稅按唐書孝友傳序唐二百八十八年天下以孝悌名通朝廷者凡一百五十有八皆得書於史官內翰杭郡居者三人先生與何公方公是也何公諱公弁方公諱宗史皆稱事親居喪著至行事實無考公附見于此云贊曰

終唐之世垂三百年于杭大州得三人焉孝通神明維德之全殺青闕文我永其傳

錢塘先賢傳贊

五代

太傅公練夫人傳

章氏之先其來遠矣自秦漢迄唐世以儒業武功顯唐末因黃巢之亂去洪州武寧徙建安之浦城太傅公諱仔鈞居鄉有德行沉默大度甘貧好學處家以孝愛敦睦親族在外則與朋友講求當世之務鄉人練氏之族累世富厚好尚儒雅知公之賢願以女妻公自練夫人之歸夫婦相敬如賓內外無間言公年踰強仕尚怡然晦迹鄉里聲譽藉藉四方賓至莫不敬慕是時諸藩鎮爭強有聞公名遣使召公者公辭以性放曠不可拘以軒冕蓋耻事非其人也天祐中以威武軍節度使王審知守福州能謙恭下士善用人謀大愜衆望朝士知時者多潛遊東南審知無不加禮公聞

風慕義願見其人乃撰戰攻守三策齋戒夜登章家嶺焚香祈天以卜吉凶不踰夕
禱祝之所忽陷裂泉湧公歸與夫人別曰天啟我矣此行必可遂志乃詣福州謁審
知投以三策王欣然納之執公手曰何相見之晚也遂延爲上賓表聞於朝乞從辟
置之命帝可其請授公高州刺史檢校太傅充西北面行軍招討制置使選付騎兵
步卒共五千人令駐浦城夫人練氏封渤海郡君遣使詣館迎公公聞朝命至懇辭
再三審知不可卽於軍府武庫分撥器甲之精銳者令祇候行軍並爲置宴餞公禮
數有加告以此壘可以獨當江南右臂坐控二浙之衝公避席曰某蒙朝廷擢用控
扼不踰鄉里當竭駑鈍以衛閭閻上則期以無負國恩內則願秉大王成算王曰公
壽無期一方大幸公行王目送之謂左右曰章公厚貌寬仁必得其壽必有顯達之
裔近世無與比者公而浦城鄉人故舊爭迎馬首公卽徒步親勞曰某遠離鄉土賴
吾屬保我瑩域護我家屬方感於衷今復勞車御之行恨未有所報謝時有聞公言
而流涕者公撫士卒知人善任帳前有二校曰邊鎬王建封者有將才公嘗語夫人
曰吾觀二校他日必當富貴若使專主兵謀生殺予奪必有大過人者因委令訓練
軍士積歲屯於西巖山蓋浦邑以是山爲最扼要駐此則他兵不敢南南則前後受
敵矣一日有江南盧將者假道公邑實有他謀兵過山下忽鼓譟攻壘公下令縱之

重圍無得與戰一面遣邊鎬王建封求援於建安期以七日還蓋盧將遠來勢不能久須乘機擊之一日督將士持械突發而賊軍不知山之上中下三屯甲兵隊伍整齊指臂相應奔突驟下勢若建瓴如隄防潰決賊不能支遂遁去邊王二校以雨潦逗遛將軍山後一日至當處以軍法日未晡集諸軍吏環擁二校於門屏夫人乃請於公曰二校後期如何公曰於軍法不宥夫人曰公委腹心於建封輩方今多事之秋寧知二校後日不如公所云耶公曰誠如是言爲我捨之夫人乃令諸子慰二校曰宜急去無受戮且脫手臂飾以資其行建封等望拜潛泣曰有恩不報天地神靈毋容我二人寸進卽投江南事李氏公至晚竟不詢及軍士服其寬仁望風歸附者日益衆審知其功復欲表奏公乃遣諸子辭曰萬一因王之言朝廷別有任使縱薄增廩餼而遠去鄉土有負素志不得保先人瑩域則王始終之恩於某有未周矣是時審知已受梁命加中書令封閩王升福州爲大都督府建安五郡盡有之方開府增置官屬聞公辭遂亦寢公有子十五人皆有能稱特加錄用以至孫輩亦聯仕籍冠蓋簪紱萃於一門出入相望閩人榮之公享上壽無疾而薨易簀之日老幼號慟者數百人有他適後歸者猶泣拜於西山祠下子孫世家於西山之東當是時干戈擾攘居民多朝不保夕惟公積歲駐兵捍衛梓里鄉人德之咸頌閩王之仁也後

長興四年王延鈞僭號閩帝晉天福四年弟延曦以富沙王主福州開運元年延政以大殷王主建安三年江南李氏遣將討伐建封在焉夫人因公棄世其子有從建安幕府之辟者因家於城中建封親率本部兵悉力倍程徑抵建安下令於衆不得擅自殺戮有先登校稟白曰司空奉命討伐今日事不得專行如何建封曰我率羣士跋履山川不避險阻身先士卒而至者蓋爲章太傅練夫人家也夫人嘗捨罪活我捐財濟我因子孫遊宦家城中尙未知存亡安否故今稍緩須臾慮誤傷耳汝輩能助我使勿負前恩則我之願焉有報於司空曰章太傅之夫人年雖高尚康寧現處編戶家建封喜徒步而前解甲免胄易服拱立拜夫人於庭下夫人謙退俾諸子致詞曰司空奉國命行天討一邑皓黃延頸待斃妾亦萬死之餘不期得見騶御又焉敢當拜禮乎建封趨進拊膺泣呼曰某等尙恨不得生見太傅今拜夫人亦晚矣夫人不獲已降階受禮建封曰此來惟夫人內外親族不限人數可以保全餘不能免夫人曰妾身已老願先衆人死建封驚曰何出是言耶夫人曰今日之恩於義誠大妾死其身又重於義惟許哀訴建封曰敢不欽承慈命夫人曰妾目擊助謀者止軍賊數人今城中居民煙火萬家不下十餘萬口皆善良無辜妾不先衆人死則司空何以謝城中老幼願捨私恩全大義無以老嫗一家爲念也建封曰夫人不以活

我爲恩而願殺身以謝衆人我何敢忘公義而負夫人之恩乎謹奉命止戮軍賊數人其餘並聽降納令下一城歡呼如雷聲聞水南數十里建封翊且迎夫人於大第進膳問安若親子姪又卜日率兵士躬謁太傅墓縞素拜奠增大塚口壅培林木惟恐有所不至里人悉記其事競相傳述世爲美談詳觀建封所存不特貴以忘恩不違義以渝誓實由太傅之神鑒夫人之善言也子孫當思所庇勿辜祖考妣之用心庶冀積功累行脩己濟物則祖德愈著必有達者出矣玄孫得象謹述舊

按金石萃編禮都侍郎于競所撰閩王審知德政碑大致謂王懷尊賢之志口愛客之道四方名士萬里咸來至有蓬瀛謫仙鴛鸞舊侶或因官而忘返或假途而惜去者盡赴築金之禮皆歸簪璫之行其餘草澤搜羅車魚待遇者尤不可勝紀則我太傅公之受知於王概可知矣

工部侍郎仁肇公傳

公諱仁肇浦城人爲太傅公第十子仕後周爲檢校尙書工部侍郎兼耀武將軍有功于時廣順中徙居桐廬定安鄉之窰石盡斂鋒芒居仁行義鄉人敬服之宋季有名木者其裔孫也擅詩名號小客星有誅魃文所著觀海集行于世張壬笥吊之曰雲外客星落江頭桐樹凋有文誅旱魃無祿仕清朝觀海聲名大回天志慮銷孀妻

與孤子仍舊瓦蕭蕭今居梧村皆其流裔也

浙江通志

宋

刑部郎中侍御史知雜事贈司徒頻公傳

公諱頻字簡之與弟頤皆以進士試禮部預選會詔兄弟毋並舉公卽推與弟棄去後六年乃擢第自秘書省校書郎知南昌縣改大理寺丞知九隴縣遷殿中丞眉州大姓孫延世僞爲券奪族人田久不能辯轉運使使按治之公視券墨浮硃上曰是必先盜印然後書旣引伏獄未上而其家人復訴于轉運使使更命知華陽縣黃夢松覆按無所異夢松因此入爲監察御史公坐不時具獄降監慶州酒稅知長洲縣天禧初增置諫官御史十二人公以選得召對稱旨擢監察御史陳毫間民訛言兵起老幼皆奔命安撫京西還爲三司度支判官青州麻士瑤殺從子溫裕并其財遣往按治士瑤伏誅又詔鞫邛州牙校訟鹽井事皇城使劉美依倚后家受賄使人市其獄公請捕繫眞宗以后故不問忤旨出知宣州改殿中侍御史遷侍御史公雅與丁謂善謂貶左遷尙書比部員外郎監饒州酒稅知信州進刑部員外郎知福州王氏時賦民官田歲輸租稅而已至是或請鬻之可得緡錢二十餘萬公疏以爲不可徙知潭洲改廣西轉運使摘宜州守貪暴不法旣罷去反訟公子訪嘗被刑而冒奏

為秘書省校書郎公坐謫知饒州復入為度支判官累遷刑部郎中使契丹至紫濛館卒契丹遣內侍就館奠祭命接伴副使吳克荷護其喪以錦車駕橐駝載至中京歛以銀飾棺又具鼓吹羽葆吏士持甲兵衛送至白溝詔遣公子訪乘傳護柩歸仍以雜告賜之並錄長子婺州司理參軍詢為大理寺丞次子訪為三班命職舊譜參宋史通

鑑長

都官郎中頤公傳

公諱頤字朝宗文谷公次子與楊文公億論文窗下十餘年文公詩有難窗十載共論文之句由是知名咸平初詣闕上書極言時政得失不報歸萬姓統譜文公以詩送之有荆山璞玉空三獻梁苑風塵已十年疏入禁中猶未報賦成都下早曾傳之句武夷新集登咸平三年庚子進士旋以寺丞出任巴陵推官文公送詩云涔陽從事有嘉聲外計封章薦姓名再命便為千室宰于飛又出九重城腰懸銅墨才猶屈吟對江山思轉清楚客十年偏遂意秋風滿箸紫尊羹武夷新集後累官至職方郎中萬姓通譜

長溪令章公剪傳

張文珏

公諱剪字保哥其先建之浦城人高祖仔鈞唐檢校太傅武寧郡開國伯妣練氏封渤海郡君曾祖仁燧為檢校司徒祖文錫仕宋為秘書省校書郎父先隱德弗仕公

生而狀貌偉奇父母異之及長天性孝友聰敏異常讀書過目成誦且勤勵不倦居家以禮自處待宗族鄉黨無不盡其道至於周貧恤匱則匍匐不暇宋仁宗朝爲婺州長溪令居官以平易近民民皆德之民有訟必先以理論使自感悟庭無敲撲之聲至於豪強爲民害者則又未嘗少貸也邑有地曰李溪公卜居焉是爲永康始祖公歿葬于邑之衆塘之源其地山川繚繞負陰面陽風氣聚藏識者咸曰吉地多有顯者出焉公生洞洞生泰泰生玠始家於射垞稱爲章上公玠生僕贈左朝散大夫僕生服進士及第官至朝散大夫吏部侍郎服生渭登紹興庚辰進士官左從政郎渭生棟登淳熙甲辰進士官至中散大夫右文殿修撰宗正少卿兼侍講開國少師棟生四子大任官朝散大夫廣東提刑大忠承事郎大醇登寶慶丙戌科進士朝請大夫集英殿修撰沿海制置使內任太府卿大忠生增任永嘉縣尉陞知婺州有死節後先顯者不可枚舉嗚呼五季豪傑盜據土地殺人不可勝紀身死未寒而子孫已無噍類太傅公惟以保障生靈爲務大抵王審知之治閩皆太傅公功也公歿夫人又能全活生民子孫繁衍冠蓋蟬聯歷數百世者蓋可徵矣縣令公又能承先世之德積善有加是以永康之子孫富貴獨盛于他族焉諺曰栽者培之傾者覆之章氏子孫之不替而脩起條滅者當知聖言爲不誣予於斯乎有感

永康譜

贈刑部尙書知江西南安軍得一公傳

公諱得一字居清世康公長子年弱冠與從弟得象俱稱茂才鄉黨推重旋與文琮公頤公同登咸平庚子進士公授太常寺博士

太常博士及後贈尙書均舊譜公修學記云由廷尉授縣令

出宰

乾化令有惠愛時得象公亦由進士知邵武軍歸化縣與乾化爲隣境政聲相應如奏墳箎

見楊文公送郇公詩

景德三年調宰浙之餘杭縣是邑也由錢氏納土於朝聲教未臻

公始至夙夜在公鞅掌王事嘗謂厚風俗正人倫當以尊師道崇儒術爲先太平興國中前令所立聖廟蓋徹城隍神於他所塑先聖像于其中庭戶喧卑几筵牢落風雨不庇藜蒿並興時朝廷方降修講堂之詔知府薛大諫亦式嚴闕里之祠公與寮案諸君謀復舊貫別新儒宮屬邑人進士丁文舉董其役赴義之士出金相助工善其事入無告勞十旬之內厥功以成高門有閤中堂豁如一應齋室筦庫庖厨阜樞之所無不具備規畫制度悉取則於郡城焉公復爲文以獎勉邑之士庶務以寸陰是競於是人知嚮學教化大行大中祥符間知江西南安軍贈刑部尙書

咸淳臨安志所載公

自作餘杭縣修學記參浙江通志名宦傳並江西通志職官表

昭文館大學士同中書門下平章事封郇國公諡文簡得象章公傳

公諱得象字希言姓章氏世家泉州高祖仔鈞仕閩爲建州刺史遂居浦城其夫人

練氏有智識仔鈞嘗出兵二將後期欲斬之夫人救之得免二將後仕南唐爲將攻破建州時仔鈞已死矣夫人居建州二將遣使厚以金帛遣夫人并以一白旗授之曰吾屠城夫人植旗于門吾以戒士卒勿犯也夫人返其金帛并旗弗受曰君幸思舊德願全此城必欲屠之吾家與衆俱死耳不願獨生二將感其言遂不屠城君子知其後必大母嘗夢登山遇神人授以玉象及生復夢庭積象笏因名得象舉進士爲大理評事知歸化縣稍遷直史館三司度支判官知制誥爲翰林學士進承旨景祐三年拜同知樞密院事實元元年以戶部侍郎同中書門下平章事集賢殿大學士仁宗謂曰先太后臨朝羣臣邪正朕皆默識之卿清忠無所附麗故大用也元昊反命兼樞密使明年拜工部尙書爲昭文館大學士監修國史慶曆五年拜鎮安軍節度使同平章事判陳州封郇國公徙河南府以疾引年守司空致仕卒年七十一贈太尉侍中諡曰文憲後知制誥王洙言公諡同周公改諡曰文簡公性簡重在翰林十二年怡然自得章獻后嘗遣內侍至院必正色嚴待之未嘗交一言居相位八年親戚子弟皆抑而不進陝西用兵公與呂丞相晏尙書杜正獻范文正富鄭公遞相秉政呂公旋薨晏杜范亦去位而公爲相如故卒以老辭位云

東都事略

軼事

章子平言其族祖郇公初宰信州玉山縣以憂去服除再知玉山縣帶京債八
百千赴任既而玉山縣數豪僧爲償其債郇公作詩謝其僧僧以石刻流布四
方而時無貶議者玉山有舉子徐生郇公與之遊嘗過生生置酒酣郇公作詩
書於壁曰村醪山果簇杯盤措大家風總一般今日相逢非俗客憑君莫作長

官看

魏野東
軒筆錄

章郇公守洪州因嘗宴客擲骰賭酒乃自默占如異日登臺輔卽成貴采一擲

得佛面浮圖遂緘秘其骰至爲相猶在

吳曾能改齋漫錄
並見江城舊事

章郇公作正字日寒食與丁晉公會博勝且厚丁翌日封置所負銀數百兩歸
公明年寒食復博而郇公却負於丁丁督索甚急郇公出舊物以償之而封緘

如舊塵已昏垢丁大服其量

同上

河東闕漕使章郇公言文彥博有名稱呂許公曰可召來面詢之召至堂上許
公不交一言但睥睨不已及退許公歎曰此大有福人何所任用不可遂自殿

中侍御使差委不十年出將入相

言行錄見
山堂肆考

壬戌五更雪打篷平明出別郡官望廬山已橫白練欲解去而南風作章得象
遊落星詩曰來遊未盡登臨興且喜南風阻去船殆爲予設

周益公歸
廬日記

章郇公知陝府有詩云雖擁千兵心不樂却嫌官重少朋儔官重則崇貴掾屬趨承賓客造請謂少朋儔心不樂者豈以等威有間無通心曲者乎周輝清波雜志

仁宗天聖七年正月戊辰翰林學士章得象權發遣開封府事時命龍圖閣待制王博文代陳堯佐而博文按真定獄猶未還也得象在開封府才二十七日

性仁柔懼有冤濫命僧就第設七晝夜道場以禳之通鑑長編

楊公大年尤負藻鑒在翰林日與章郇公共事嘗言郇公異日必作相己所不

及吳處厚清箱記

景祐四年十月乙未同知樞密院事章得象言開封府進士章仲昌臣鄉里疏

屬實無藝業近聞訟訴發解不公事請牒歸其家從之通鑑長編

章郇公在翰林十二年當劉太后時人多微倖以希大用公乃中立不倚晚遷

承旨最爲久次及副樞李公諮卒公始代之時有親吏聞命即徑造齋閣報慶

公厲聲曰無妄語乃叱出之能改齋漫錄

章郇公初入樞府以所賜鞍繡文疏畧命工市別繡之既就來上視其花乃宰

相所用不旋踵遂大拜同上

章郇公在中書歐陽文忠公初自夷陵縣令貶所回復館職通判滑州以書與

公求一郡公答之無可意文忠不悅俄而擢知諫院一年中歷正字直龍圖為學士河朔都轉運文忠始服公非賣恩者同上

章郇公雖閩人然其為人厚重少時有相工知人貴賤公父以兄弟見之相者

曰中有一人大貴公就位舍去不復問公弟從之不已父曰所謂貴者誰也相

者曰舍去者是也後以侍郎為參知政事呂許公薨遂秉政蘇轍龍川別志

慶曆中石守道進德頌其序云皇帝命章得象晏殊為丞相又除蔡襄為諫官

天地人神昆蟲草木無不喜躍節錄高晦叟珍席放談

章郇公得象與石資政中立素相友善而石喜談諧嘗戲章云昔時名畫有戴

松牛韓幹馬而今有章得象也世言閩人多短小而長大者必為貴人郇公身

既長大而語聲如鐘豈出其類者是為異人乎其為相務以厚重鎮止浮競時

人稱其德量歐陽修歸田錄

慶曆三年五月辛巳上謂輔臣曰自春夏不雨歲時失望蓋朕不德所致但日

於禁中蔬食精禱引咎而已章得象曰陛下奉天愛民至誠如此臣等備位衡

弼不能布宣善政以召和氣而過貽陛下之憂上曰朝廷細故朕與卿等未嘗

不留意惟民間疾苦尤須省察有以利天下者必行之卿等其務公心咨訪以

答天意通鑑長編

慶曆三年上再賜手詔曰比以中外人望不次用卿等今韓琦暫往陝西范仲淹富弼與宰臣章得象盡心國事母或有所顧避其當世急務有可建明者悉為朕陳之范文正公年譜

慶曆四年四月己亥上謂輔臣曰上封者以河東芻糧不繼數請廢麟州其利害如何章得象對曰麟州四面蕃漢皆為元昊所掠今野無耕民故一路困於饋運欲更其寨徙其州少近府州以省邊民之役上曰州不可廢但徙屯軍馬近府州另置一城亦可紓其患也乃命右正言知制誥歐陽修往河東與轉運使議之同上

章郇公在私第子弟有夜叩門稟事者公曰若是公事明早來待漏院理會若是私事即於堂前夫人處稟覆在中書一日坐處地陷徐起使人填之不以為怪家人聞之甚憂及公還家亦不言至晚公與弟處部者對飲處部問公今日聞中書地陷是否曰中書地陷何干汝事竟不言前輩大抵有此氣象卒乍搖撼不動楊龜山雜著

慶曆中韓范富執政日務興作時章郇公為相張文定因往見之語以近日諸

公頗務興作如何郇公不答凡數問之曰得象每見小兒跳擲作戲禁止不得到觸着牆自退耳方其舉步時勢難遏也未幾三公悉罷文定嘗曰事不可競古諺曰遲足疾疾足遲斯甚有理當其盛衰之際不勞力而成不勞慮而行理之常也

聞見近錄

張文定嘗云在翰林時當章郇公致政麻命下同宋景文往賀之因語之曰昨日宣召受旨上眷遇之意甚厚何遽謝事也郇公曰不可待不厚時引去也又曰亦恐更耄年則忘了矣文定與景文相顧而笑退而相語曰是何言歟何忘之有及老矣乃知郇公之言爲然蓋在得之時與奪每爲思慮所惑不若少時能斷故孔子所以戒也

同上

章郇公慶曆中罷相知陳州艤舟蔡河上張方平宋子京俱爲學士同謁公公曰人生貴賤莫不有命俱生年月日時有三處合者不爲宰相亦爲樞密副使張宋退召術者泛以朝士命推之唯得梁適呂公弼二命各有三處合者張宋歎息而已時梁呂皆爲小朝官既而皇祐中梁爲相熙寧中呂爲樞密使皆如郇公之言

東軒筆錄

慶曆七年十一月戊申加恩百官鎮安節度使同平章事章得象封郇國公八

長道年二月己卯守司空致仕遇大朝會許綴中書門下班月給見俸春冬衣比太

文憲子少師六月丙申卒故事致仕官乘輿不臨奠帝特往奠之贈太尉兼侍中諡

文憲

通鑑
長編

虞部員外郎詢公傳

公諱詢字伯謀父諱頰累官度支判官刑部郎中明道二年頰公奉使契丹十一月
遷兼侍御史知雜事尋卒於紫蒙館公爲頰公長子時官婺州司理參軍以頰公賜
卹恩詔授大理寺丞皇祐四年夏蠻賊儂知高寇廣南陷十二郡據邕州毒徧嶺南
王師數不利是年九月詔樞密副使狄武襄公爲宣撫使統兵以討之公以寺丞從
征勾管糧草明年正月大破賊於邕之歸仁二月丁亥班師與平蠻諸將題名桂林
至和二年監湖南永州市征是年六月十九日知永州事武陵柳拱宸以久旱不雨
躬禱於零陵王祠公與殿直齊懷德判官李方等從行因憩澹山岩是日得雨永州
北百里有山曰九龍巖舊屬零陵今爲東安縣境山形陡起翠峯錯立巖間多鏡唐宋名賢詩文
泉石之勝不可殫述傍有寺曰洪陵住持者爲浮圖元喜公嘗因接宣撫使偕道正
訪喜僧有詩云閒携羽客訪靈岩岩透山光秀潑藍星使未來卹館近爲師終日絆
征驂喜僧遂刻于石旋擢尙書虞部員外郎嘉祐三年六月十九日奏造陣脚兵車

成賜帛五十匹通鑑長編參廣西湖南各志金石王應麟玉海

光祿寺卿直秘閣知海州岷公傳

公諱岷字伯鎮父諱偕咸平二年進士官秘書丞贈光祿大夫由浦城徙鎮江公登

天聖五年進士試芸臺讐書郎出為平江軍節度推官今蘇州時盛文肅公守郡事多

委公併令編閱經史凡言吳事者錄為一書舊時官解隘陋公居幕府廣而新之時

公弟太常伯瞻公太守朝議公同侍親在署士大夫多稱之吳郡圖經續記廣州馮元令吳

縣建延射亭自監郡以下皆集而射之極一時賓友之勝觀公為文記其事吳郡志旋

調睦州從事今桐廬縣景祐元年范文正公為州守一見器之郡之山川滿目奇勝公與

文正公夙宵為會交迭唱和嘗與文正賦鬪茶歌及同登承天寺竹閣詩公先就文

正覽曰此詩真可壓倒元白矣文正建嚴子陵先生祠屬公任其事范文正公年譜參致晏元獻公

書併建寧府志文苑傳吳郡志旋擢太常寺丞經文正與王公堯臣蔣公鏜舉文行有名之士交章

疏薦堪充館職召試充集賢校理文正集慶歷四年十一月通判江州李燾續資治通鑑長編皇

祐元年以祠部員外郎知衢州二年任滿衢州府志職官表三年轉度支員外郎拜知湖州

之命仍留館侍闕次年夏始赴任劉敞司馬溫公各以詩贈行七月受篆轉司封員

外郎俱依前充職至和元年十一月罷湖州府志職官表參劉敞集嘉祐六年調知宣

州江南民田倚圩爲重時霖雨積月恐妨秋成公到任祈禱昭亭山幸得晴霽禾稼獲收民有頌聲無爲集治平二年擢光祿少卿直秘閣除知越州八月六日到任于臥

龍東峯建五雲亭有臥龍東嶺冠雲霞亭面溪流對若耶之句紹興府志參會稽嘉泰志鄭戩宋太守題

名記先是慶歷四年詔諸路州府軍監立學越自吳監簿捨宅爲學歷經吳興文通沈

公侍郎伯玉張公經營繕造迨公至始告成紹興府志四年五月移知福州熙寧元年八

月再調海州淳熙三山志公直諒疏達和而有守韓維南陽集外制爲布衣時以宰相自許高蓋

大馬盛服羣從而後出潤人謂之三品秀才陳師道後山叢集及供職京朝清約自持嘗云

在京有兩般日月望月初請料錢覺日月長到月終供房錢覺日月短江隣幾雜志公文

聲甚著與崑山龔明之曾祖同登進士第情好甚密其高祖殿撰墓銘乃公所作也

吳中紀聞所與交皆一時正人尤與歐陽文忠公相友善文忠嘗覆公書謂公詩文金石

交奏某處窮僻不接先生長者之論久矣忽然得之開發鄙滯况得見其人接其道

其樂宜如何哉續示傳記三本文偉意嚴記詳語簡而賞罰善惡勸戒丁寧述作之

功正爲此爾歐陽文忠公書其推許如此官至正議大夫致仕舊譜世表所著詩文集今不傳公

知福州日奏州城四十餘里自屬天朝官吏因循歲歲毀圮茅牆數尺霖雨連澍遄

至傾頽亦有居民冒蓋居宇者請就舊基修築子城願委本路轉運使同共計度若

允所請乞降度牒三百道添助支費有旨令轉運提點刑獄各具相度以聞公尋復奏交趾蠻人聞自廉雷將趨廣州本州邊海萬一乘風奔衝何以禦捍乞檢前狀許令修築子城從之三山志

光祿大夫廣西轉運使峴公傳

公諱峴字伯瞻登天聖八年庚子進士授太常寺博士累官職方郎中知平安軍太

平州安徽通志嘉祐七年移知江陰軍江陰縣志治平元年以都官郎中知發州軍三年

以太常少卿為廣南西路提點刑獄晉轉運使召赴闕章錢塘以詩贈行有老成風

迹霽中朝威惠南行已久勞之句章驥錢塘集官至金紫光祿大夫萬姓統譜公高明

簡重能知治體取人以恕所至吏民歡悅錢塘集初滯下位經沈舍人舉薦

得升擢公以書謝之謂論薦引重度越倫等自顧衰晚豈不愧荷退惟匪材敢不强

勉耿介之守老當益壯有為之心亦所未已庶幾異日不為提獎之玷章驥錢塘集官

提刑時丁未上已重游龍隱巖有詩云溪干橫棹訪巖扉危磴攀躋不欲歸垂乳滴

聲當佛座宿雲留潤在僧衣聊開禊席臨流水鬧擲文竿到落暉旅宦天涯甘寂寞

送春無意惜芳菲宋詩紀事慶歷二年彭城錢君宰華亭重開顧會浦公嘗以文記之載

紹熙雲間志

公傳中散大夫封河間縣開國伯知蘇州帖公傳

公諱帖字伯望又字邦賢登祥符戊申進士

功德院題名景祐四年進士後考

貴名茂闕為世推重

始官于蜀

宋碑類鈔少卿章帖嘗官於蜀

熙寧初知揚州府

揚州府志

八年十月除兩浙轉運使御史蔡

承禧劾前使俞希旦交易運司職田事詔命公按實以聞

名嗣以少卿提舉洞霄宮趙清獻公有詩贈行

清獻集

元豐四年以朝議大夫知蘇州

人以公剛介不可屈因目之曰章硬頸公子出入用皂絹蓋肩輿不過二人

吳中紀聞

中為天下劇郡朝廷嘗慎其選非臺閣之賢曹憲之序不以輕授公風流文雅開敏

疆濟嘗將白二澗有威名及既下車飭治衆職雖小必察會暴風湖海之濱民或漂

溺公遣吏巡視賑恤請蠲田租人不失所鋤治奸吏繩遏浮蕩擊沮豪右莫不畏懼

政聲流聞優詔獎諭再任蘇守自國朝以來惟公再任邦人美之時議欲大修郡城

增濬運河公務息民力請罷其役民甚德之府庭建于唐乾寧初年遠寢敞嘉祐間

王公君玉乃作新廳閔敞甲諸郡陳祠部天常作子城門樓觀甚偉而大廳之前戟

門之後廊廡卑陋不稱且高麗人來朝過郡郡有燕勞其從者皆坐於廊非以示遠

六年公以是說謀于轉運使得羨錢二百萬又以公使助之於是易以修廊覆以重

屋二樓對立樓各八楹木公必精陶埴工各獻巧故費省而工速明年春落成又修

戟門薦之高于舊三尺由是臺門至於府庭棟宇相副不陋不奢南倉在子城西北倉在閭門側皆前後臨流每歲輸稅於南和糶於北歲以三十萬斛計東南仰給于此而農民賴官糶以平穀價其利甚溥公嘗大修南倉既閱且固爲儲積之利自郡南徙行趨諸鄉至木瀆每過運河須舟以濟又當兩派交流之間極深廣故自昔未有橋梁公在任有石氏出錢請造橋公立限督之逾時畢工橫絕漫流分爲三洞往來便之承天萬壽禪院有羅漢像來自西蜀郡中士民祈請數應會久雨公迎像于郡廳致請俄遂晴霽晉中散大夫封河間縣開國伯賜紫金魚袋朱長文隱居郡城公名其園曰樂圃以旌幽迹朱與諸弟書謂須共守之用傳子孫故資政殿學士太子少保元魏公宅在帶城河元公嘗參大政引年歸老居于是邦公命其宅曰袞綉坊時正議大夫集賢殿修撰程公師孟朝議大夫徐公師閔亦相繼請老居吳中日治園亭公與三公昔均僚舊公時年亦七十三於是良辰美景往來置酒以相娛樂又常集諸老於廣化寺繼會昌洛中故事公賦詩爲倡諸公皆屬而和之以爲吳門盛事禮部米黻爲序記之名耆英會云

吳郡圖經續記參吳郡志蘇州府志樂圃餘稿

贈光祿大夫潤州長史訢公傳

公諱訢字天和待制公衡之父天聖中試禮部上黨有蓋抹者亦預計偕忽夢人告

曰建州章天和作狀元汝必登第抹至京訪公具述其夢既而公三舉不利慶曆初復到省題詩于邑之泗州嶺庵壁云十年三上未登科此去行期晝錦過上黨有人傳預兆夢生頭角見天和六年丙戌始于賈黯榜登進士嘉祐二年待制公作大魁是年抃方特奏名神物之戲人也如此公官至潤州長史累封左光祿大夫建寧府志參舊

譜世表

駕部員外郎袁州府通判拱之公傳

公諱拱之字君肅贈司農少卿得賢公長子皇祐元年知華亭縣紹熙志旋調晉江

令時蔡忠惠知泉州公以事忤忠惠誣以贓貶公弟望之公號泣歷訴於朝時忠惠

方貴顯事久不得白望之公訴不已章十餘上起獄數年朝廷為再劾卒脫公冤復

官如初宋史望之公傳忠惠歷官皆號精明惟罪公一事大為士論所少宋名臣言行錄有

朝端風采施之外服或過之論蔡州外紀則公當時被屈可知矣嗣以駕部員外郎通

判袁州府所著有春秋統微二十五卷蓋據三傳啖趙意所不及者斷以已見并采

陸淳可取之義集成是書云王應麟玉海

光祿寺丞望之公傳

公諱望之字表民少孤喜問學志氣宏放為文辯博長于議論初由郇國公廕為秘

書省校書郎監杭州茶庫逾年辭疾去舉賢良方正郇國公在位以嫌扼之乃上書論時政凡萬餘言不報丁母憂毀瘠過制服除浮游江淮間犯艱苦汲汲以營衣食不自悔人勸之仕不應也其時公兄拱之公知晉江縣忤知州蔡襄誣劾之公訴於朝脫其寃遂不復仕覃恩遷太常寺太祝大理評事翰林學士歐陽文忠公暨劉公是范蜀公同薦其才宰相欲稍用之除僉書建康軍節度判官不赴又除知烏程縣趣令受命固辭遂以光祿寺丞致仕卒公喜論議宗孟子言性善排荀卿揚雄李翱之說著救性七篇歐陽修論魏爲正統公以爲非著明統三篇江南人李觀著禮議謂仁義智信禮樂刑政皆出於禮公訂其訛著禮論一篇其議論多有過人者嘗北游齊趙南泛湖湘西至汧隴東極吳會山水勝處無所不歷有詩文數百篇名道窮集見尤文簡遂初堂書目

宋史藝文志
計四十卷

絳州司法參軍傅公傳

公諱傅字傳道姿表疎爽飽學善詩與當世賢士大夫游名動公卿間屢試禮闈輒報罷困場屋者三十年舊交半著侍臣衣矣而公猶客諸侯幕嘗度函谷走長安足跡半天下至河陽謁韓魏公每輟飯沐見之禮遇特厚熙寧三年始登進士第授將仕郎絳州司法參軍常與蘇子美強幾聖東坡先生相唱和尤與東坡友善自杭州

至密州

今山東諸城縣見諸城縣學石刻題名

皆在幕中熙寧六年正月東坡次韻公詩有馬融既依

梁班固亦事竇效顰豈不欲頑質謝鐫鏤之句時議以爲詆毀執政大臣爲權御史李定媒蘖糾劾奉旨與另有干涉譏刺之王詵等一律根勘旋以公無受譏諷文字而罷東坡責授黃州團練副使安置

烏台詩案參建志祠部集

贈太師銀青光祿大夫資政殿學士同知樞密院事太乙宮使封秦國公諡莊簡公傳

公諱竄字質夫祖諱頰爲侍御史忤章獻后旨黜官仁宗欲用之而卒父諱訪官禮賓副使公初以郇國公廕爲孟州司戶叅軍應舉入京聞父對獄於魏棄不就試馳往直其冤遂試禮部第一擢知陳留縣歷提舉陝西常平京東轉運判官提點湖北刑獄成都路轉運使入爲考功吏部右司員外郎元祐初以直龍圖閣知慶州時朝廷戢兵戒邊吏勿妄動且捐葭蘆安疆等四砦予夏使歸其永樂之人夏得砦益驕公言夏嗜利畏威不有懲艾邊不得休息宜稍取其土疆如古削地之制以固吾圉然後諸路出兵擇據要害不一再舉勢相自蹙矣遂乘便出討以致其師夏果入圍環州公先用間知之遣驍將折可適伏兵洪德城夏師過之伏兵識其母梁氏旗幟鼓噪而出斬獲甚衆又預毒於牛圈瀦水夏人馬飲之者多死召權戶部侍郎明年

除知同州紹聖初知應天府加集賢殿修撰知廣州徙江淮發運使哲宗訪以邊事對合旨命知渭州至卽上言城胡蘆河州據形勝以偪夏乃以三月及熙河秦鳳環慶四路之師陽繕理他堡壁數十所自示其怯或以公怯請曰此夏必爭之地夏方營石門峽去我三十里能奪而有之乎公又陽謝之陰具版築守戰之備帥四路師出胡蘆河州築二城于石門峽江口好水河之陰二旬有二日成賜名平夏城靈平砦方興役時夏以其衆來乘公迎擊敗之旣而環慶鄜延河東熙河皆相繼築城進拓其境夏人愕視不敢動夏主遂奉其母合將數十萬兵圍平夏疾攻十餘日建高車臨城填塹而進不能克一夕遁去夏統軍嵬名阿里西壽監軍妹勒都逋皆勇悍善戰公謀其弛備遣折可適郭成輕騎夜襲直入其帳執之盡俘其衆虜馘三十萬牛羊十萬夏主震駭哲宗親御紫宸殿受賀累擢公樞密直學士龍圖閣端明殿學士進階大中大夫公在涇原四年凡創州一城砦九薦拔偏裨不間廝役至于夏降人折可適李忠傑朱智用咸受其馭夏自平夏之敗不復能軍屢請命乞和哲宗亦爲之寢兵公立邊功爲西方最徽宗立請老徙建中靖國元年知河南七月入見授通議大夫提舉中太乙宮兼集禧觀事留拜同知樞密院事俾公長子緯爲開封府推官以便養崇寧元年七月力謝事罷授資政殿學士領中太乙宮使未幾卒徽宗

郎出提點兩浙刑獄以龍圖閣直學士知越州譚稹宣撫燕山請綽為叅謀加右文
殿修撰金人破蔚州背歸山後議稹以措置乖方罷綽落職送吏部會赦恩上書告
老復龍圖閣直學士致仕卒舊譜參宋史

軼事

滎陽公之監陳留稅也章樞密質夫窺知縣事雅敬愛公一日因語次梟陵折

公公不為動質夫笑曰公誠厚德可服某適來相試耳呂氏童蒙訓

樞密章公窺謂余曰某初官入川妻子乘驢某自控兒女尚幼共以一驢馱之
近時初官非車馬僕從數十不能行可嘆也前輩勤儉不自侈大蓋如此因錄

之聞見前錄

章窺質夫作水龍吟咏楊花其命意用事清麗可喜東坡和之若豪放不入律

呂徐而視之聲韻諧婉便覺質夫詞有織繡工夫朱弁曲洧舊聞

東坡先生戲筆所作枯株竹石雖出一時取適而絕去古今畫格自我作古蓮
家所藏枯木并拳石叢篠二紙連手帖一幅乃是在黃州與章質夫莊敏公者
帖云某近者百事廢懶唯作墨木頗精奉寄一紙思我當一展觀也後又書云
本只作墨木餘興未已更作竹石一紙同往前者未有此體也是公亦欲使後

人知之耳

何蓋春
浩紀開

章繹字伯成莊敏公之子莊敏教諸子甚嚴恐其縱肆閉置一書室中故繹與
繹皆中第而甚有文季父禮部取繹之姪女召爲校書郎日繹以詩餞之有船
尾淮山青未了馬頭隨柳綠相迎之句孫仲益甚喜之晚年詩律益高淸淳雅
健得唐人之風有文集三十卷藏于家終戶部郎中

吳明之
中紀開

朱長文蒲章諸公唱和詩題辭虎邱之景蓋有三絕東南之勝罕出其右故自
晉唐至于聖朝儒先文士宗工逸客風什相繼皆嘗集錄吳郡詩得虎邱之作
七十餘篇其遺落而失傳者又可勝道哉左丞河東蒲公自杭帥鄆弭節閭扉
一登此山坐小吳會歎賞不已形于詠歌于是樞密豫章章公使君劉公通守
王君欣聞嘉製屬而和之思與境會情以辭宣高義薄雲霞正聲合鐘律足以
爲海湧之榮觀中吳之美寶使顏李大句劉白風高不專美于是矣

吳郡志元
祐三年四
月

章縠字質夫建州浦城人祖頰爲侍御史縠以叔郇國公廕舉試禮部第一官
權戶部侍郎紹聖初加集賢殿修撰知廣州時廣人冒犯鯨波浩殖貨利不知
有義以制其欲至於婦代夫訟父子異居兄弟骨肉急難不顧男女嫁娶至無

媒妁喪葬之儀過禮越制窳以習俗積久卒未能化日夜積躬思以導之乃以教化所始莫先於學人倫之序莫先于教于是以城西之學與尼寺相比其不合古制乃謀遷于城東番山之前日與學士諸生講論六經嘗告諸生曰夫學不力不足以成德善不明不足以充擴其性誦孔孟之書學先王之道苟無至誠好善之實而不知性命死生之說外禍福富貴則何足以爲君子儒哉文章可學而工也議論可講而到也巍科殊級可以力取也富貴利達可以苟達也皆世俗之所貴彼所謂貴者非良貴也君子之所以異于人者以其存心心之所存四端而已不誠其意不足以正心不正其身不足以齊家至於治國平天下之道一本諸心而已矣諸生其勉焉夫喪良心而逐外物君子謂之惑循虛名而忘實行君子謂之盜盜可爲乎哉惑可久乎哉諸生其與師友朝夕講論德誼息心以明善不變如魯之國是太守之所望窳平素以文人自負其爲是論士人翕然稱之後以龍圖直學士致仕卒

廣東通志
名宦傳

頃歲夏人犯平夏城涇原帥章窳命郭成守之被圍半月餘攻之甚力卒不能破初急報至哲廟頗以爲憂而窳每奏平夏決保無虞乞少寬聖慮敵退窳遂召還哲宗問以城守方略窳曰初無他術但如郭成輩皆一路精選俾守一城

知其可保也竊起諸生及作帥頗有可稱帥師道師中皆出其幕府又嘗薦師
道于哲宗云師道拙訥如不能言及與之從容論議動中機會他日必爲朝廷
名將帥靖康初師道入樞府淵聖嘗問曰在小官時頗有見知者否師道以竊
薦章進入淵聖歎竊知人以其二孫茂藎並爲寺監丞趙鼎建
炎筆錄

申國公傳

公諱惇字子厚姓章氏世爲建州浦城人父諱俞徙蘇州起家至職方郎中致仕以
公貴累贈銀青光祿大夫太師陳國公年八十九卒公始生郇國公奇其風骨以爲
必貴及長豪雋博學善文進士登名耻出衡公下委勅而出再舉甲科和商州商洛
縣與蘇軾游南山抵仙游潭下臨絕壁萬仞橫木其上公揖軾書壁軾懼不敢書公
平步過之垂索挽樹攝衣而下以漆墨濡筆大書石壁曰蘇軾章惇來旣還神彩不
動調雄武軍節度推官歐陽修薦召試館職改著作佐郎知常州武進縣熙寧初王
安石秉政召爲編修三司條例官除秘書丞加集賢校理檢正中書戶房公事時經
制南北江羣蠻命爲湖南北察訪使提點刑獄用兵溪洞拓境數百里置沅州入修
起居注除右正言知制誥直學士院判軍器監三司火神宗御樓觀之公部役兵奔
救過樓下神宗問之明日命爲三司使旋以知制誥出知湖州荆湖蠻復起擾邊移

知荆南府至則事平以親老再請湖州俄改杭州未至除翰林學士元豐三年拜諫議大夫參知政事踰年出知蔡州又知陳州移定州五年召拜門下侍郎哲宗卽位知樞密院事宣仁后臨朝用司馬溫公呂申公更革弊事公與宰相蔡確不肯引咎爲蘇轍疏論出知汝州提舉杭州洞霄宮哲宗親政召爲尙書左僕射兼門下侍郎哲宗升遐欽聖后召兩府議所立公奏立同母弟欽聖后曰皆先帝之子及徽宗卽位遷特進封申國公充哲宗山陵使至成臯大昇輦陷於濘踰宿而行坐是出知越州未至責授武昌軍節度副使潭州安置再貶雷州司戶參軍崇寧元年改舒州團練副使睦州居住二年徙越州改湖州卒年七十一大觀三年詔復特進申國公政和三年贈太師追封魏國公

舊譜參杜大珪名臣碑傳琬琰錄

左通議大夫端明殿學士江南安撫大使知兼康府諡忠恪誼公傳

公諱誼字且叟登崇寧四年進士第補懷州司法參軍歷漳台二州教授杭州通判建炎初陳通寇錢塘城閉部使者檄公聚杭州七縣弓兵以張聲勢會王淵討賊公隨淵得入城賊平旋加撫定人皆德之帝幸臨安苗劉爲變帝御樓宰臣百執事咸在人心恟恟帝問羣臣曰今日之事何如浙西安撫司主管機宜文字時希孟輒曰乞問三軍公越班斥之曰問三軍何義若將鼓亂耶希孟却立屏息帝嘉之事定竄

希孟吉陽軍公選二秩擢倉部員外郎奉使二浙貿易祠牒以濟軍用以稽遲罷未幾召爲駕部員外郎遷殿中侍御史張浚宣撫陝西公奏自趙哲退敗事任已重處斷太專當除副貳使之自助何稟贈官公論其折衝無謀守禦無策乃中國招亂之首乞寢免邵青自太平乘舟抵平江所至劫掠公請置水軍于駐蹕之地且言古舟師有三等大爲陣脚次爲戰船小爲傳令皆可爲戰守之備詔淮南三宣撫措置公又獻戰守四策謂金人累歲南侵我亦累歲奔走蓋謀國之臣誤陛下也比者駐蹕揚州有兵數十萬可以一戰斥堠不明金人奄至踰江而東此宰相黃潛善汪伯彥過也前軍移蹕建康兵練將勇據長江之險可以守矣舟師不設二相異意金人未至遵海而南此宰相呂頤浩過也不知今年守戰之策安所從出執政大臣誰爲陛下任此事者臣愚謂有江海必資舟楫戰守之具有險阻必資郡縣防守之力有兵將必駕馭撫循不可爲將帥自衛之資有糧賦必漕運轉輸不可爲盜賊侵據之用四者各付能臣分路以辦重賞嚴罰誰敢不用命哉詔問保民弭盜遏寇生財之策公對曰去奸貪殘虐之吏則民可保用循良廉平之吏則盜可弭敵寇未遏以未得折衝禦侮之臣財賦未裕以未得掌財心計之臣凡此四者任人不任法則政治可得而治矣詔集議明堂配享胡直儒等請合祭天地而以太祖太宗配公言稽之經

旨則未合參之典故則未盡施之事帝則未爲簡嚴今國家既以太祖配天子郊比周之后稷則太宗宜配帝于明堂以比周之文王仁宗皇祐二年始行明堂合祭天地並配祖宗乃一時變禮至嘉祐七年再行宗祀已悟皇祐之非乃罷配享仍徹地示之位故有去並侑煩文之詔如嘉祐之詔則太祖地示已不與祭元豐正祀典之詔則悉罷羣祀臣等謂將來明堂大饗宜專祀昊天上帝而以太宗配後果不行紹興二年除大理卿宰相奏知平江府帝曰誼儒者賴其奏讞平恕使民不冤勿令補外尋除權吏部侍郎乞詔有司編類四選通知之條與一司專用之法兼以前後續降旨揮自成一書如此則銓曹有可守之法奸吏無舞文之弊書成而吏銓有所執守復改刑部侍郎兼詳定一司勅令公奏比脩紹興勅令格式甚忠厚之意則本于祖宗其綱條之舉則仍于舊貫今在有司爲日既久州縣推行漸見牴牾欲承疑遵用則衆聽惑而不孚欲因事申明則法屢變而難守乞詔監司郡守與承用官司參考祖宗舊典各據新書之闕條具以聞然後命官審訂刪去著爲定法遷徽猷閣直學士樞密都承旨公奏漢有南北兩屯唐有南北兩衛皆天子自將之兵祖宗所置殿班親軍處禁門之內皆極天下之選今日神武兵萃于五軍多逃亡之餘市井之人殿班親軍倚以侍衛者曾無千百願陛下酌漢唐南北禁衛之意脩本朝遴選班

直之法選五軍及諸州各爲一衛合取萬人分爲兩衛則禁尉增嚴至室大競矣四年金遣李永壽王翊來求還劉豫之俘及西北人在東南者又欲畫江以益劉豫時議難之欲遣大臣爲報使參政席益以母老辭薦公爲代加公龍圖閣學士充軍前奉表通問使給事中孫近副之公至雲中與粘罕兀室論事不少屈金人諭亟還公曰萬里銜命兼迎兩宮必俟得請金人乃令蕭慶授書併以風聞事責公公詰其所自金人以實告乃還至南京劉豫留之以計得歸帝嘉勞之擢刑部尙書是冬帝親征王師大捷於淮陰公扈從還臨安遷戶部尙書公言祖宗設官理財內則戶部外則諸路轉運使副東南委輸最盛則又置法運以督六路供輸之入皆有移用補助之法戶部仰以不乏者也今川廣荆湖土貢歲輸不入王府者累年矣皆發運使失職之罪也頃因定都汴京故發運使置司真泗今駐吳會則發運當在荆湖南北之間望討論發運置司之地選能臣以充其任又言戶部左右曹之設諸路則運司左曹之屬也提舉則右曹之屬也若復發運司於諸路各置轉運使副二員以一員檢察常平以應右曹之選則戶部財用無陷失矣五年以疾請郡除龍圖閣學士知溫州適歲大旱米斗千錢公用劉宴招商之法置場增直以糶米商輻輳其價自平部使者以狀聞詔遷官一等六年移守平江時將臨幸供億繁夥公處之皆當於禮召

章爲豫凶事刪而去之故不幸遇事則摺摭墜殘茫無所據今宜爲厚陵集禮以貽萬世從之出知鄭州奏罷原武監弛牧地四千二百頃以與民復判太常知審官西院使遼燕射連發破的遼以爲文武兼備待之異于他使歸復命言遼境無備因此時可復山後八州不聽公患學者不知古今纂歷代帝系名曰編年通載神宗覽而善之謂可冠冕諸史且念其嘗先多士進用獨後面賜三品服判吏部流內銓嘗有員闕旣擬注而三班院輒用之反訟吏部宰相可其說公連奏疏與之辨或曰宰相之勢恐不可深校公不爲止至數于御前神宗命至中書宰相見之怒公曰某爲朝廷法耳以狀上請而視之相悟曰若爾吏部是矣乃罪三班未幾知通進銀臺司直舍人院拜寶文閣待制知澶州神宗曰卿爲仁宗朝魁甲寶文藏御集之處未始除人今以之處卿公拜謝至郡會官立法禁民販鹽公言民恃鹽以生生之所在雖犯法不顧空令犴獄日繁請如故便徙知成德軍坐事免元祐中歷秀襄河陽曹蘇諸州加集賢院學士復以待制知揚廬宣穎各州卒年七十五

同上

軼事

曾祖丁高祖憂自翰苑奔喪復州歸葬于閩閩之士大夫皆遠迓福建監司命士子相率數千人迓于衢婺時章衡子平亦在遣中曾祖一見許以科甲名譽

但不言名位所至

蘇魏公譚訓

嘉祐元年四月乙亥賜新第章衡等及中庸

玉海

林文節連爲開封府南廟等一廷試皆屬以魁選仁宗亦遣近璫伺其程文畢先進呈時試民監賦破題云天監不遠民心可知比至上前一近侍旁觀忽吐舌蓋惡其話忌也仁宗由是不樂亟付考官依格考校考官之意不欲置之上等入第三甲而得章子平卷子平破題云運啟元聖天臨兆民上幸詳定幕次卽以進呈上曰此祖宗之事朕何足以當之遂擢爲第一

東坡自錄

章衡子平答郭功甫書其畧云鄭公毅夫吾叔表民及梅聖俞皆以功甫爲李謫仙之後身吾不知謫仙之如夫子之少時其標格淵敏已能如此老成否子平所以答功甫之貺不得不爾然梅聖俞諸公以功甫爲李白後身求諸詩文信不誣矣

吳曾能改齋漫錄

胡武平樞密篤信鬼神爲殿試詳定官長齋戒沐浴禱于神求可爲魁者首拈

一卷紙籍精好書札真楷遂定爲第一乃章子平也

蘇魏公譚訓

容齋隨筆昔人集載潘家山同章衡飲此行令探得隱君子爲章衡搜出賦詩云吾聞隱君子大隱廛市間道義充諸中測度非在顏堯帝神且知知人亦孔

艱勉哉二秘閣賢行如高山

陽政
逃聞

章衡字子平正定府滹沱河每春瀾漫為民大患衡為築堤以障衝突居民利

之今堤尚在而無知為章某所築者

正定府志名宦傳
原本雕邱雜錄

唐制官序未至而以他官權攝者為直官如許敬宗為直記室是也國朝學士

舍人皆置直院熙寧中復置直舍人學士院但以資淺者為之其實正官也熙

寧六年舍人皆遷罷閣下無人乃以章子平權知制誥而不除直院者以其暫

攝也古之兼官多是暫時攝領有長兼者即同正官

沈括夢
溪筆談

本朝狀元及第不五六年即為兩制亦有十年至宰相者章衡滯于館職甚久

熙寧初冬月聖駕出館職例當迎駕方序立次衡顧同列而嘆曰頃年迎駕于

此眼看凍倒禹錫條忽已十年矣執政聞而憐之遂得同修起注

魏野東
軒筆錄

章衡送程給事至越州詩云雅留威愛在南昌又拜新恩指舊棠一節帝頒嚴

使旆十州人喜擁壺漿影纓自結凝旒眷攬轡思澄插筆鄉劉宴有材將大用

豫章樓上急飛觴

會稽
英續集

熙寧編年通載十卷起居舍人兼判史館章衡撰其序云修史者十一人事訛
舛因編歷代帝系明年始自唐虞至于治平四年總三千四百年大率編年之

例首國號廟諡以表元繫日月以記事以便觀採七年八月十一日延和殿進呈賜三品服玉海

元符元年八月癸巳左朝議大夫寶文閣待制知潁州章衡卒通鑑長編

禮部侍郎公弼公傳

公諱公弼字右夫餘千古埠人與兄寬夫均以學行著公中紹聖元年進士事親孝謹母歿廬墓三年歐陽文忠公甚器之初授建寧主簿惇相以詩餞行公曰文章乃道德光華若惇詩何為者聞朝廷罷劉摯范純仁即託疾不起建中靖國中以恩例除太常丞兼國史院檢討大觀初通判贛州深得民心四年以禮部主客司員外郎去職宣和間召陞禮部侍郎時京畿有物夜掠小兒食上命禮部監有司致祭城隍公曰城隍正直之神未必害民祇當以公文責城隍除之如議行其害遂止未幾以疾歸著有文集若干卷除千縣志參林志

內殿崇班縉公傳

公諱縉字君邃莊簡公第五子初官滄州司理參軍嗣僉判西安州中書侍郎劉達莊簡公婿也在中書日凡前宰蔡京所建諸弊政悉罷之漸復元祐之舊公之兄綜時為戶部員外郎實贊成之及京再相懷前隙遂興制獄先是崇寧中更制錢法以一當十小民嗜利亡命犯法者紛紛大觀元年七月或捕得私鑄錢數大壘京欲陷

侍郎暨公兄弟風言者論公恃侍郎勢往來貿易與州人郁保所鑄捕公下獄先後遣開封尹李孝壽監察御史張茂直就平江鞠之株連者千餘人強抑使承死者甚衆京猶以爲緩御史沈畸曾論盜鑄意必欲實其言曲成是獄乃白遣沈畸往按并差監察御史蕭服同往畸被命不五日卽遷右正言行未浹旬又遷侍御史畸至蘇卽日決釋無佐證者七百人嘆曰爲天子耳目司而可傳會權要殺人以苟富貴乎遂閱實平反以聞京大怒貶畸監信州酒稅服羈管處州更用知蘇州孫傑勘鞠鍛鍊傅致竟坐公刺面配粵之沙門烏籍沒家產侍郎出知亳州公兄弟亦均坐貶迨張商英入相始辨前獄移公常州頃之復內殿崇班資治通鑑長編參宋史莊簡公本傳廣東通志武進縣志當獄之未就也蔡京遣甲士五百圍公家鉦鼓之聲晝夜不絕俗謂之聒囚鼓州民目所未覩莫不爲之震駭識者已知非太平氣象故其後遂有建炎之禍吳中紀聞

贈光祿大夫倉部郎中知河中府援公傳

公諱援字敦本一字致平

東坡覆公書稱致平學士

申國公第四子爲文初法王荆公元祐三年

東坡先生知貢舉以第一名與持公同榜登第除秘書省校書郎政和元年授朝散郎知湖州府正月到任轉朝請郎四年三月罷湖州府志嗣以倉部郎中知河中府歷朝散大夫卒贈光祿大夫先是建中靖國元年六月申國有海康之行時東坡先

生內召還次京口公在彼以書抵先生南海之濱下潦上霧毒氣薰蒸執事親所經歷于今回想必當可畏老親以益高之年齒髮尤衰涉乎此境豈不惴惴但念老親性疎豁不護短內省過咎仰戴上恩庶有以自寬節飲食親藥物粗可僥倖歲月不然者借使小有愆瀆之情悴于胸次憂思鬱結易以傷氣加以瘴厲則朝夕幾殆何可忍言况復爲淹久計哉每慮及此肝膽摧落是以不勝犬馬之情子私其父日夜覬幸聖上慈仁哀矜耆老沛然發不虞之詔稍弛罪罟尙得東歸田里保養垂年此微賤之禱悲傷涕泣斯須顛沛不能忘也先生得書大喜顧謂其子叔黨曰斯文司馬子長之流也公嗣復刺血上表籲恩內徙上章之明年申國遂得北歸論者謂公孝愛所感云

趙彥衛雲麓漫抄參昆陵丹陽各集○東坡志林元祐四年六月十二日有同訪米元章觀二王懷素各帖一節

尙書郎中知新安府僅公傳

公諱僅字幾道初任仕履無考紹興元年爲浙西江東廣東提舉茶鹽公事爲沈與求論罷五年以太府丞復提舉江東常平旋改宮觀十八年以右承議郎尙書郎中知新安府今徽州府正月二十一日到任二十年三月二十八日受代先是十三年詔天下郡縣各爲放生池而歲以誕聖日縱魚鼈其中于是郡鑿城西墻地以應詔公知新安時重爲增廣之作恩波堂好生樂魚之亭舊制有雜錢名目凡三色皆起於五

代割據時稱鹽錢者官據口給食鹽而斂其直稱麴錢者給民麴使得釀酒而歸其麴之直于官稱脚錢者每貫出錢五十以備解發南唐末淮南產鹽之郡爲周世宗所下無以給民因以舊所得之數紐爲正稅迨宋興削平僭亂酒酤在官不復給麴而轉輸之費出於公有司因循失于申請每稅錢一貫輒存此三色其後有司不直令輸錢從而變折之故於歲絹之外復有各項折錢名目其多寡歲輒不同公守郡時適行經界法當爲時相力言病民因請蠲減不聽乾道六年後任郟某及江東安撫使主管機宜文字章謙力言于朝始盡數蠲免以寬民力

建炎繫年要錄
新安府志

軼事

余少好藏三代秦漢間遺器遭錢塘兵亂盡亡之後有遺余古銅鳩杖頭色如璧玉因以天台籐杖爲幹植之每置左右今年所親章徽州在平江有鬻銅酒器其首爲牛制作簡質其間塗金隱隱猶可見意古之兕觥會余生朝章亟取爲余壽余欣然戲之曰正患吾鳩杖無侶造物豈以是假之耶

葉夢得巖
下放言

左中奉大夫知衢州傑公傳

公諱傑字秀言申國公孫光祿大夫援公子也登宣和六年甲辰沈晦榜進士授奉議郎累官祠部員外郎建炎四年二月轉尙書禮部員外郎六月出爲福建路轉運

判官紹興元年言者追論申公事于是太府寺丞億公監都進奏院倣公監登聞鼓院倣公均調外任公與浙西江東廣東提舉茶鹽僅公俱任職如故旋以左朝散郎調廣東轉運判官八月南雄州兵馬都監郭康偽造制書自稱奉使廉察廣東官兵以下公覺其詐捕送廣州誅之嗣諸司奏廣州通判韓僖貪賊不法事下提刑劾治已而僖子惇胄使人詣闕訟公與其父有隙乞移獄詔江西提刑丁彬選官根勘僖與執政呂頤浩子抗善故頤浩主之勘官通判南安軍時益因移文劾公奏益觀望用情詔彬更選官往治毋得觀望徇情三年七月乙亥言者謂貪賊之吏相習成風害政殘民蓋非一日如益所行非勘僖是勘公也其後呂相免御史又以爲言于是彬益並罷僖亦尋死四年轉左朝奉大夫四月庚子上本路所藏祖宗以來條令及續降指揮共一千十八卷詔令所司看詳申尙書省後事于六曹者分送諸部公又請帥臣子弟任書寫機宜文字除事干機密合書寫外其餘文字並不得簽書仍令帥臣監司守貳隨行子弟親屬毋得接見所部官屬著爲令遂以公行尙書省工部員外郎十二月命以尙書倉部員外郎往福建措置糴買公事五年正月檢察福建廣南東西路經費財用尙書省因奏委公起發兩路茶鹽錢赴行在其擅用者皆責償之二月戊子詔都督府以諸路軍馬爲名命公因便措置招撫湖廣江西羣盜五

年八月主管台州崇道觀從所請也七年七月除廣南東路轉運副使十一年知江陰軍十七年知信州十八年以左中奉大夫知衢州二十年罷

建炎繫年要錄參衢州府志江陰縣志

西通省職官表

監漢陽軍酒稅憲公傳

公諱憲字叔度泉州團練副使子釗公之裔世居浦城珠林村父甫熙寧三年進士

歷官都官郎中挂冠後徙居吳之黃村公于宣和中嘗謫監漢陽軍酒稅

吳縣志宋詩紀事

初

從龜山楊文靖公游已而復師事王信伯先生後從紫微樂道行修操履高潔餘力

學文皆有矩度朱漢上尤重之

宋元學案

信伯歿公爲作墓誌自叙所以受學之由大畧

謂道德衰微千有餘載士習競于章句傳註孰有心傳自得者憶自髫髻已習聞河

南二程夫子紹孔孟之絕學私淑諸人獨恨不能得供洒掃應對之役問字執經以

成所學也逮弱冠居吳則聞州里福清王先生實程門之高弟乃與季弟愨又聞中

陳長方少方昆季執弟子之禮熏蒸灌溉于仁義道德之言若江海之浸潤莫測其

涯涘然後知師道之可尊朋友講習之可樂也

王信伯墓誌著作集

公邃于春秋嘗葺都官公

舊廬以貯經史百氏之書名曰復軒自作爲記其後圃又有清曠堂詠歸清閼遐觀

三亭以慕古尙賢皆有詩世稱復軒先生信伯之門唯室兄弟早死其得傳者莫如

公也後歿于兵著有復軒集十卷曾文清公為之序見錫山尤氏遂初堂書目今不傳宋元學案參吳郡志

贈正奉大夫廣南提學元振公傳

公諱元振字時舉崇安縣黃村里人仁嵩公之後以舍選登政和元年乙未進士授
洪州分寧尉時有富豪被盜僕獲之盜懼自經死僕恐坐累亦自斃公首驗得實覆
驗者邀賂不獲誣富人箠盜致死又自殺僕以滅口反以首驗者為非宰入其言諂
公勿與較至推考至再卒如初驗秩滿移潭州甯鄉令潭帥曾孝序聞公能將移治
長沙甯鄉之民乞留之未幾以艱去服闋知休寧縣縣甫罹陸寇淳安縣方公極力
撫綏靖康初嚴州寇繼發公親督府兵防遏賊迄不犯境民賴以安改知邵武軍泰
寧縣時盜賊四起而鄉兵寡弱公度公私之力不能抗乃據險立寨遷帑度率民兵
堅守帥司統領官馬準本起于盜提兵抵邑邀索無度公力拒之準怒躍馬入縣治
執縛胥吏從兵皆挺刃公折以大義準阻而退倅與國軍時方平陽么軍需百出公
調給不擾而辦改永州知潮州潮去京師遠民鮮奉法屬邑例就人戶科買上供銀
及食鹽胥吏旁緣為奸公悉去其弊潮民為之謠曰常言法到葵關住今出葵關到
海陽按廣東通志名宦傳元振紹興間知潮州二廣去朝廷遠官州署有包公清心
二堂並披雲樓公皆詠以詩晉左朝請大夫移守肇慶紹興二十五年三月提舉廣

南東路常平茶鹽轉提學攝憲事冒暑深入瘴鄉決獄皆得其情官至朝議大夫受代歸及贛而卒累贈正奉大夫公性剛介不苟合與秦檜爲同年及檜當軸除吏多親故間亦用同鄉同榜之士然必其人自叙且力禱然後得之公甘于遠宦未嘗以私書干故知潮最久監司薦其治績以檜故但籍記中書而已名賢氏族言行類稿參安徽廣東通志名

宦傳建寧府崇安縣各志建炎繫年要錄黃公度知稼翁集

前端明殿學士簽書樞密院事兼權叅知政事知婺州復公傳

公諱復字季常曾祖彧任甯陽訓導遂爲寧國人祖若愚父惟翰公登宣和甲辰進士紹興七年授丹陽尉鎮江府志旋知縣事修練湖民不告勞安徽通志十七年十二月以左

奉議郎主管官誥院十八年派充會試點檢試卷官紹興十八年同轉朝散郎十九

年七月擢監察御史召對論州縣財賦出入之弊請立法禁止詔如議行二十年轉

右正言劾右承議郎胡寅不爲親母持服暨建議不通鄰國之間視兩宮播遷如秦

越詔責授寅果州團練副使新州安置旋又乞令州縣收納二稅有出剩之數并附

赤歷不許擅撥歸公使庫仍令監司覺察從之二十一年四月劾知臨安府宋旼姦

邪旼遂罷九月遷右練議大夫二十二年四月癸酉除御史中丞辛巳拜端明殿學

士簽書樞密院事兼權叅知政事九月己酉爲御史宋樸所論癸丑詔以本職提舉

江州太平興國宮章再上遂奪職公入樞府才百餘日原本九十三日二十六年以左朝奉

郎知太平州嗣復提舉興國宮二十八年知婺州軍所至以廉謹惠愛稱家無餘資

建炎繫年要錄參宋史宰相傳丹陽練湖蓮花開邑人必有位執政者公爲宰開半湖後

果權參政云玄孫一桂字德芳亦登第除太平州司理與守爭囚是非拂衣歸安徽通志

中大夫吏部侍郎知興元府森公傳

按定公所著名賢氏族言行類稿太傅公弟泉州團練副使仔釗公生四子

復留南安有名亨鐸者子孫移居西蜀梓綿之間亨鐸之孫君陳嘗爲福建

提刑侍郎森疑是亨鐸之後

公諱森字德茂廣漢綿竹人綿有諱授者字仲結先世由閩徙蜀學行甚高李流謙

嘗銘其墓當是公前輩也公登紹興間進士累官少卿奉使金國楊文節公有詩贈

行晉吏部侍郎淳熙丁未季春甲子與蕭燧等隨駕扈從玉津園兩浙金石志龍華寺題名十五

年禮部奏石萬等所造歷與淳熙歷法不同兼論淳熙下絃不合在十一月二十四

日是日請遣官監視詔公與吏部禮部侍郎尤袤監之六月二日公奏是夜月明至

一更三點入濁宋史律歷志是年八月以朝散大夫敷文閣待制爲江東安撫使知建康

兼行營留守十六年正月轉朝請大夫紹熙元年九月轉朝議大夫除顯謨閣待制

廂禁軍舊皆茅廬公易瓦屋數千間號曰新營其隸尺籍者始不與民雜居有詔獎

諭景定建康志二年正月移知江陵府轉煥章閣直學士知興元府三年秋瀘州軍亂起

殿前指揮使郭棣知州事與制置使論不合乞祠去明年六月乃命公以寶文閣直

學士代為帥兩朝綱目備要四年夏大水山河堰決有旨出錢萬緡助修明年二月告成命

公與常平使范中藪戎帥王宗廉往勞工徒金石萃編山河堰落成記慶元二年復知興元先是

有詔諸司連衡薦舉公薦知利州蒲叔獻等三人政績有旨與監司及陞擢差遣綱目

備要參建炎朝野雜記晉中大夫除刑部侍郎轉吏部攻魏集當是時金人復渝盟侵擾邊陲

陳同甫先生遺書謂公以西州之英負一世之望開豁亮直足以起士氣高明宏遠

足以壯朝廷主上有北向爭天下之志而羣臣不足以望清光使此恨磊砢而未釋

庸非天下士之恥乎願侍郎為君父自厚為四海自振其為士論推重如此龍川公集

所居綿竹西偏岡阜連延二大溪出其麓自先世築室于斯茂林修竹景物日新公

學無不通尤深于詩嘗云四海之廣家為近萬物之散身為近一身之間又以心為

近構近思堂于其間藏書數千卷周益公章氏近思堂記同時有諱升之者字以初亦綿竹人

登紹熙四年進士開禧三年四月以太府丞兼國史院編修暨實錄院檢討官南宋館閣

續錄旋知江州江西通志

知辰陽府才邵公傳

公諱顛字才邵號希古以字行父元振以進士起家歷官廣東提學有節概公篤學能文兩預鄉貢以父廕補官乾道初知臨安富陽縣以文章政事顯嘗爲荆湖北路參議歷典臨賀辰陽二州俱有政績七年公已他徙猶上疏言辰之諸蠻與羈縻保靜南渭永順三州接壤其蠻酋歲貢溪布利于回賜頗覺馴伏盧溪諸蠻以靖康多故縣無守禦狁狁乘隙焚劫後徙縣治于沅陵縣之江口蠻酋田仕羅龔志能等遂雄據其地沅陵之浦口地平衍膏腴多水田頃爲猺蠻侵掠民皆轉徙而田野荒穢會守倅無遠慮乃以其田給靖州狁狁楊姓者俾佃作而課其租所獲甚微楊氏專其地將二十年其地當沅靖二州水陸之衝一有蠻隙則爲害不細臣謂宜預爲之備靖康前辰州每歲蒙朝廷賜錢七萬貫細絹布共八千一百匹綿一萬七千兩是時本州廂禁軍一千四百餘人沿邊一十六砦士兵六百餘人皆可贍給其後中外多故今歲賜止得一萬二千緡而本州財復匱乏無以充召募之費禁軍止二百一十餘人諸砦士兵止一百五人甚至砦官有全無一名而徒存虛名者其于邊防豈可不爲深慮若歲增給民錢一萬俾本州募強壯禁軍或効用二百人分屯盧溪等處以防諸蠻庶使邊患永消可免異時調遣之費書奏詔湖北帥臣詳議以聞公少

時往謁楊龜山先生龜山誨以熟讀論語將論仁處仔細翫味而躬行之公用是有得故日用踐履莫非所聞所知者世目爲篤實君子性喜賦詩題嚴子陵釣臺有云短棹夷猶七里灘人亡依舊水光寒漢家名節君知否盡在先生一釣竿過清遠峽云巖頭風急樹欹斜溪畔漁樵十數家老盡往來名利客年年秋水映蘆花晚歲閒居時與朱晦菴先生游荊州之行先生餞之詩有雄藩荆楚地自古國西門客有籌邊畧人知幕府尊之句劉清之和云誰云兩州牧擇笏望轅門渠亦髭鬚好公今德

義尊

言行氏族類稿原本見黃永存大監所著行狀參歷代名臣奏議宋史溪洞諸蠻傳富陽縣志龜山年譜

處士思廉公傳

按公雖無世系可考第處州府屬章氏多由浦城遷徙如龍泉之重公麗水之雲就公皆是也遂昌與龍泉連界必出建派無疑公字思廉姓章氏名居簡以字行時稱思廉先生遂昌縣桃源鄉通仙里人也父景陽故儒家旁通方外之學公少業儒以經學名三舍師王清烈於紫虛觀中授靈寶經有得每日望太陽吐納遂不語不食久之暑行不揮汗祈寒不襲衣或坐立巖然不動者通夕行步如奔馬而塵不驚人各從其東西行皆若與公面語及合而卽之則一人耳觀中主者嘗書火字傲衆公輒取筆改火爲水未幾山水大至人固已異

之而水所過處土去而石存巖穴若厦屋公常游戲焉嗣棲蹟于邑之壽先宮終日默然蓬頭垢面動作語言皆禍福所寓宋高宗遣黃門董御藥資香致禱大書慎乃在位授之未幾孝宗受內禪蓋慎乃孝宗名也有進士從公問應舉當得否不對而與議論輒及經義及試得題皆公所與語者用其說中高等乾道丙戌郡守錢竿迎舍郡齋日飲醇酒不粒食一日出游半日而歸因問呂洞賓何在答曰正在張公橋洗紙被竿即命駕往謁之至則不見若有聞曰此思廉小兒饒舌竿有從父以從官家居因竿求見公望見遽呼曰大資後果官至資政殿大學士其劾治鬼物已疾苦尤效自達官貴人至里巷莫不神明之也一日語竿曰吾欲歸乃端坐而逝昇至天應觀七日顏澤不改越八日瘞少微山後有人見其持隻履東陽洞邊釣魚發其瘞唯隻履存嘗有詩曰得太極極體見本來面目先天一點真後天却是屋

學古錄處州路少
微山紫虛觀記

聘君康公傳

公諱康字季思自曾祖都官郎中甫公由浦城徙居吳之黃村至公已四世

按吳中舊事因

高祖葬吳遂為郡人安貧樂道隱居城西田屋麤給出入徒步人稱之曰聘君貴之也蘇州府志選舉表載有公名科分平生足跡未嘗越州境而四方之人無不知有

祖父皆隱釣不仕

也無考既稱聘君則公未嘗應試也

也

章季思士大夫過吳以不見爲歎其爲人慕尙如此嘗問學於朱文公文公答以大抵聖賢之教不過博文約禮四字博文則須多求博取熟講而神擇之乃可以浹洽而通貫約禮只是敬之一字而已日用之間以此兩端立定課程不令間斷久之自有進步公默有所契日以詩陶寫遇紙卽書人爭取去以此爲樂終身不厭年七十餘步履如飛或訝其有方外之遇曰吾師聖賢無他慕也淳祐五年忽語其子仲肯曰吾死有期預書墓誌明年果卒年七十九終時正寢梁壞有聲人皆異之所著有雪崖集嘗因遷居親戚携酒見過賦詩云老吾元住雪邊崖萬事無堪兩鬢華頃歲西河方借宅今年東野又般家巷深正恐難邀客地空何妨學種花多謝所親相暖熱新生涯卽舊生涯

蘇州府志參吳中舊事
晦菴集宋詩紀事補遺

朝請大夫前知台州陸安撫使冲公傳

公諱冲字茂深丞相申國公曾孫申公父陳國公由浦城徙平江後申國復遷浙之湖州遂爲長興人其始仕履無考嘗爲蘭陵令

攻魏集
外制

繼任揚州通判

揚州府志
職官表

瀆

熙四年以中散大夫知通州七年轉朝奉大夫移知常州八年賑濟有勞轉朝散大夫

咸淳
志

九年上疏常州東北曰深港利港黃田港夏港五斗港其西曰竈子港孟

瀆泰伯瀆烈塘江陰之東曰趙港白沙港石頭港陳港蔡港私港節令港皆古人開

導以爲溉田無窮之利者也今所在湮塞不能灌溉臣嘗講求其說抑欲不勞民不費財而漕渠旱不乾水不溢用力省而見功速可以爲悠久之利者在州之西南曰白鶴溪自金壇洮湖而下今淺狹特七十餘里若用工濬治則漕渠一帶無乾涸之患其南曰西蠡河自宜興太湖而下止開濬二十餘里若更令深遠則太湖水來漕渠一百七十餘里可免濬治之擾至若望亭堰牌置於唐之至德而撤於本朝之嘉祐至元祐七年復置未幾又毀之臣謂設此堰牌有三利焉陽羨諸瀆之水奔趨而下有以節之則當潦歲平江三邑必無下流淫溢之患一也自常州至望亭一百三十五里運河一有所節則沿河之田旱歲資以灌溉二也每歲冬春之交重綱及使命往來多苦淺涸今啟閉以時足通舟楫復免車畝灌注之勞三也奏上詔令相度開濬歷代名臣奏議並見宋史河渠志十年十一月授金部郎中知楚州先是山陽學宮草創於縣治之北前守王公調陋之徙建於承平舊址鳩工未幾殿屋粗立越明年春二月則三門與前兩廡漸立公嚴明通練人不能欺既履任益督飭趣工未幾告成費省功倍並於舐印之三日卽於廡門設座講經僚吏諸生環坐以聽翼日始以規矩示諸生悉依湖學安定先生之舊吳萃楚州修學記十四年以奉直大夫知台州兼管內勸農使轉朝請大夫直齋書錄解題晉安撫使陳造和詩署銜公爲葉公夢得婿葉公深于春秋公少嘗從

學於葉使執左氏之書從旁檢閱亦復究心因取諸國事蹟排比年月各從其類著
爲春秋左氏傳事類始末五卷節目相承首尾完具與袁樞通鑑紀事本末同爲有
裨學者左氏傳事類始末公講學有源流下筆驚人嘗五舉於漕臺卷未嘗釋手故
其從政知所後先凡四爲州慈祥樂易所在歌詠之按舊譜世表公曾任利州轉運使存以俟考

承議郎知南昌縣淵公傳

公諱淵字伯深光祿大夫援之孫博學有文因塲屋待士薄如防寇盜不應試用蔭
入仕授爲承議郎知南昌縣旋即辭職自其高祖陳國公徙吳郡世居平江嘗言吳
中風俗上元夜鑼鼓歌吹喧街市謂之旱划船至是卜居浙之長興縣自號懲窒子
著有藁簡贅筆其自序云余解官後原本有南居南墅草堂於若溪濱踰七年矣閉
關却掃息絕交游屯蹇晚境幼稚盈室脫粟屢空斷編自娛文有抵牾隨輒定正事
或牽連亦皆記載投稿破篋久而盈積閱視得數千幅不忍與故紙同棄錄爲五卷
陳振孫書錄解題已止上下卷今惟說郭內尙存崖畧公體羸瘠嘗作懼怪圖經仲
并題詩云竹屋茅簷一徑斜清樽黃卷定生涯溪山勝處春長在却放朱籐一半花
策杖山隈亦水濱閒中未害飽經綸何曾寂寞嵌巖裏慣著風流廊廟人藁簡贅筆

書錄解題吳中
舊事浮山集

宗正少卿兼修國史良肱公傳

公諱良肱字翼之系出太傅仔鈞公後定公言行氏族類稿樞密良肱皆太傅諸孫先世徙處州麗

水縣孝行鄉龍順里朱子同錄祖諱雲就建炎四年三月楊劾引兵犯松溪縣界為民

兵所拒不得入還犯婺州迫處州守臣梁頤吉募能說賊者公祖應命往遇於荆坑

喻以禍福賊許諾與俱至城下會官兵掩至賊以為賣已遂被殺建炎繫年要錄父

駒紹興十八年進士與朱子同榜朱子同錄授甯海尉再升上虞令由處州徙吳興吳興

備志紹興府志子三公其長也登淳熙十一年進士開禧二年六月除校書郎三年八月轉

秘書郎嘉定元年五月除著作郎六月出知衡州五年提舉江西刑獄時黃勉齋先

生為公屬困於下位公惟進賢可以報國會考績兩經薦拔勉齋由是進用六年以

承議郎除江東轉運判官六月十五日到任七年五月轉金部郎中旋調福建判官

閩為公原籍鄉人榮之黃勉齋賀啟有耀盡錦於故鄉人爭視之以先為快之句八年以朝散郎直寶謨閣除兩

浙路轉運判官十年丁丑兼知臨安府三月晉直顯謨閣轉運副使十一年擢宗正

少卿兼國史院編修實錄館檢討官卒公少時與弟文莊公雖世家五馬而清貧自

若嘗依卿校沈丞相該之家學相連公與文莊日過其門沈氏少年與客坐於廳事

時方嚴冬公衣不掩脛沈哂之曰此人會著及時衣客傲之曰二章才學鄉曲所推

不可忽也公亦微聞之既而與文莊公連登第駸駸通顯沈氏之屋適有出售者公買之以居焉公平日滑稽善謔常傾坐客然廉潔忠信爲世推重其歿也黃勉齋以文祭之謂竊觀當世人物於百里而求一賢令千里而求一賢守一道而求一賢使其惟公乎則公之居官可知也

中興館閣錄參成淳臨安志撫州志景定建康志癸辛雜識黃勉齋集

通奉大夫御史中丞叅知政事諡文莊良能公傳

公諱良能字達之世系詳公兄良肱公傳中登淳熙五年進士

處州湖州各府志選舉表

六年十

月除著作郎嘉泰元年除起居舍人

中興館閣錄

陳主司三弊一沮抑詞賦太甚既暗削

分數又多置下陳二曰假借春秋太過諸處解榜多置首選三曰國史實錄等書禁

民私藏惟公卿子弟因父兄得以竊窺冒禁傳寫有司乃取本朝故事藏匿本末發

爲策問寒士無由盡知請自今詩賦純正者寘之前列春秋惟卓異者宜高等餘當

雜定策題則必明白指問詔從之

宋史選舉志

司諫宇文紹節指爲丞相謝深甫之黨出

知溫陵

齊東野語

轉朝請郎江南西路轉運判官賜緋魚袋調江南東路轉運判官賜如

故

後樂集

慶元六年二月以樞密院編修兼國史院檢討開禧三年八月權兵部侍郎

郎

中興館閣錄

十二月除禮部侍郎兼侍講修玉牒官安丙之誅吳曦也矯詔自稱宣撫副

使遂徑入銜上奏公謂矯詔假命一時權宜濟事可也事定奏功便當退用初銜而

遠稱所假是豈復有朝廷乎今爲朝廷計宜先赦其矯詔之罪然後賞其斬曦之功

則恩威並用折衝萬里之外矣而時相自以爲功謂此非矯詔實朝廷密旨且詣御

樓受俘已而受俘之議雖格竟以所矯官職授之齊東野語嘉定初更化大述作多出公

手事有不可堅執不移攻魏集金人求函韓侂胄首朝議皆主之公以爲事關國體

抗詞力爭齊東野語除吏部侍郎吳興談重元鼎與公少同舍領鄉薦不第晚就南廊更

數試復不入等時公爲考官得談卷甚喜所批稍高既而曰名器不可以故人私之

但使脫助教足矣二年除御史中丞兼侍讀上章彈前浙東提舉衛涇四朝見聞錄

叙疏入未報公緘副疏以示涇涇得緘謂使云傳語中丞我今卽出北關矣宇文紹

節以荆湖宣撫使知江陵府入覲除簽書樞密院懷前疑不敢拜公識其意乃疏言

公論出一時之見臣豈敢以報私憾請趣紹節就職未幾公亦遷中大夫同知樞密

院事與紹節相得甚歡旋兼太子賓客太子讀春秋終篇轉大中大夫太子讀三朝

寶訓終篇轉通議大夫六年四月丙子普通奉大夫叅知政事七年正月丁丑卒于

官諡文莊中興館閣錄參宰輔編年錄齊東野語宋史全文真西山集內制公少好雅潔居一室必灑掃陳列琴書

或譏其齷齪無遠志一日大書素屏云陳蕃不事一室而欲掃除天下吾知其無能

爲矣識者以爲不凡著有嘉林集一百卷間作小詞極有思致居第在城南後有地

數十畝有潛溪閣嘉林堂懷蘇書院相傳坡翁作守多游于此城之外別業可二頃

桑林果樹甚盛後廢

齊東野語參癸辛雜識

子元棗叔恭倅襄州

齊東野語

朝奉大夫直寶謨閣知平江府良朋公傳

公諱良朋字益之號農卿文莊公之弟也慶元元年為旌德尉

徽州府志

嘉定初知全椒

縣安徽通志

六年通判慶元以坊場敗缺關停處多其實細賬申朝省十四年以朝奉郎

提舉兩浙東路常平茶鹽公事兼權慶元府沿海制置司事十月初十日受篆十五

年正月慶寶赦恩轉朝散郎

寶慶四明志

時海寇嘯劫師久無功公廉知前時調軍出海

糧盡即還軍獲寇物官悉拘收所以賊久未平乃問策於幕僚呂午與制置司幹官

施一飛共議糧盡再給不許擅還所獲賊舟物悉充軍賞於是海盜一清

宋史呂午傳參方回

呂左史家傳

十二月初九日以調度有方轉朝請郎十四日除尙左郎官十六年四月二

十日正官到官交替回朝供職

四明志

紹定元年三月以朝奉大夫直寶謨閣知平江

府七月致仕

姑蘇志

公守慶元時於入洞門西北建更恭亭前有古檜二蓋取東坡先

生雙童老更恭之義又嘗以通判東廳建望月堂思齊亭嗣復攝郡念係舊治為更

新之

四明志

配夫人施氏淮安倉曹長興施宿之女也

吳興備志

